

# Нидо



1997-yil 27-avgustdan chiqa boshlagan

www.huquq-gazeta.uz

2015-yil 5-mart, №9 (946)

Эътироф



## Меҳр-муҳаббат ва гўзаллик тимсоли

*Олам яшариб ва янгилашиб бораётган баҳорнинг илк кунларида Халқаро хотин-қизлар кунининг нишонланиши ўзгача мазмун-моҳият касб этади. Баҳор аёлларнинг табассумидан бошланади, дейишади. Баҳор ва аёл... Иккови ҳам гўзаллик ҳақидаги тушунчани ифодалайди. Шу боис, одамзодни ўзига ром этган санъат турларида ҳам баҳор маҳз этилиб, аёллар улуғланади.*

Аёлни куйламаган ҳофиз, унга атаб ашъор битмаган шоир бўлмаса керак. Сўз мулкининг султони, буюк мутафаккир бобомиз Алишер Навоий ҳам аёлни мадҳ этаркан: "Қоши ёсинму дейин, кўзи қаросинму дейин", дея уни тугал таъриф этолмаслигини тан олган. Шарқнинг яна бир буюк шоири аёлнинг дона холига шахарларни садқа қилмоқчи бўлгани ва Леонардо да Винчининг шухратини оламга ёйган мўйқалам аёлнинг бир лаҳзалик нигоҳидан сەҳрлангани бежиз эмас.

Дунё гўзаллиги, ҳаётнинг мазмун-моҳияти аёлнинг фидойи қалби, вафо ва садоқатида акс этади. Аёл — бу меҳр-муҳаббат, аёл — гўзаллик ва нафосат тимсоли. Ватан, қуёш, замин ва миллат сўзлашадиган тилнинг доимо онага қиёслангани, бу аёлнинг улуғлигидандир. Аёлнинг ўзига ярашиқли инвонлари кўп: у меҳрибон она, мунис опа, сингил, жонга жон туттувчи қиз, жонқуяр ва тиниб-тинчимас келин, оиланинг чироғи бўлган бека, қуюнчақ муаллима, тadbбиркор раҳбар... Бундай масъулиятли мартабаларнинг ҳар бири мамлакатимиз ҳаётида аёлнинг қадрини янада юксалтираверади. Ҳаётнинг барча қувончу таъшишлари унинг кўнглидан ўтиб, сўнг жамиятга сингиб боради. Аёлнинг оилада, маҳаллада ва жамиятда тутган ўрнини ҳеч нарса билан қиёслаб бўлмайд.

Она фарзанди бешиги бошида алла айтиб, тунларни тонларга улайди. Алла — онанинг фарзандига дуоси. Минг онанинг тилида минг хил товланиб такрорланадиган бу мўъжаз қўшиқ инсон тарбияси, келажаги билан ҳамроҳандир. Аллада элга фидолик, ўзига нисбатан ишонч уйғотадиган руҳ ва куч мумкин.

Ҳар бир инсон — жамиятнинг бебаҳо бойлиги. Айниқса, жамиятда аёлларнинг ўрни бўлакча. Чунки у оила иқлимини бошқаради. Фарзанд тарбияси, оила осойишталиги унга боғлиқ. Рўзғори тўқис, уйи тинч, фарзандлари саломат бўлса, аёлнинг юз-кўзидан бахт нури ёйилади, меҳнат қилиб чарчамайди. Унинг табассуми эса оилани чарогон этади. Ҳар оиласида бахти бутун бўлган аёлнинг жамиятда ҳам ўрни ва нуфузи сарбаланд бўлади. Юксак маънавиятли ва маърифатли аёллар нафақат ўз уйининг, балки элу юртнинг зийнатидир.

Қиз ота-онанинг гурури, ака-укаларнинг номусидир. Қолаверса, улар — ҳаётимиз давомчилари. Уларни тарбиялаш келажақ авлодни ҳам тарбиялаш демакдир. Одоб-ахлоқли, билимли ва зукко қизларни қўргангада беихтиёр уларнинг оналарига тасаннолар айтгинг келади.

/Давоми 3-бетда/

Назорат

## Адолат қонун устуворлиги билан ўлчанади

*Ўтган йилларда юртимиз барча соҳаларда эришган улкан ютуқ ва муваффақиятлар кўлами бугун жаҳон ҳамжамиятининг эътирофига сазовор бўлаётгани айна ҳақиқатлар. Айниқса, тараққийнинг "ўзбек модели" сифатида ном қозongan йўлимизнинг нақадар тўғри ва оқилона эканини бугунги шиддатли замоннинг ўзи исботлаб турибди. Бу билан ҳар биримиз ҳақни равишда фахрлана оламиз.*

Ҳақли равишда таъкидлаш лозим, бу ютуқларда прокуратура органларининг ҳам муносиб улуши бор. Зеро, коррупция, жиноятчилик, мавжуд қонунларни, унинг талабларини бузиш жамият ривожига тўсиқ бўлишини барчамиз яхши тушунамиз. Жиззах вилоят прокуратураси органлари томонидан ҳам қонунийликни мустаҳкамлаш, жиноятчиликка қарши курашни ташкил этиш, фуқароларнинг ҳуқуқ ва манфаатларини ҳимоя қилиш борасида кўплаб ишлар амалга оширилмоқда.

Прокуратура органлари назорат фаолиятини амалга оширишда асосий эътиборни иқтисодийнинг эркинлаштириш, аҳолини ижтимоий муҳофаза қилиш, тadbбиркорлик, кичик ва ўрта бизнес субъектларини қўллаб-қувватлашга, қишлоқ ҳўжалиги,

суд-ҳуқуқ соҳасида ислоҳотларни жадаллаштиришга доир қонунлар, Ўзбекистон Республикаси Президенти Фармон ва Қарорлари ижросининг таъминланишига қаратмоқда.

Ўтган 2014 йилда аниқланган қонунбузилиш ҳолатлари прокурор назорати ҳужжатлари киритиш орқали бартараф қилиниб, қонунийликни таъминлаш, ҳуқуқбузарликларнинг олдини олишда қатъий чоралар кўрилди. Чунончи, йил мобайлида 4062 нафар фуқаронинг бузилган ҳуқуқлари тикланди. Бундан ташқари, аниқланган зарарларни фуқаро ҳамда юридик шахслар фойдасига ундиришга жиддий ёндашилди. Жумладан 5,9 млрд. сўмлик зарарларни ундириш ҳақида фуқаролик судларига 815 та ва ҳўжалик судига 15,8 млрд. сўмлик 1219

та ариза киритилди. Барча соҳаларда ўтказилган текширишлар натижаларига кўра 9641 та прокурор назорати ҳужжатлари қўлланилди. Мансабдор шахсларнинг 2483 та ноқонуний ҳужжатлари прокурор протестлари асосида бекор қилиниб, қонунга мувофиқлаштирилди. Қонунбузилиш ҳолатларини бартараф қилиш борасида 1711 та тақдимнома киритилди.

Текшириш натижаларига кўра, 3710 нафар мансабдор шахс интизомий, 1636 нафари маъмурий ва 182 нафари эса моддий жавобгарликка тортилди. Жиддий қонунбузарликлар юзасидан 218 та жиноят иши кўзгатилди. Жиноят ишларининг терговига ҳамда текширишларда аниқланган зарарларнинг 11,3 млрд. сўми айбдор шахслардан ихтиёрий ундирилди.

Қонунийлик ижроси устидан назорат йўналишида ўтказилган текширишларда аниқланган қонунбузилиш ҳолатларига нисбатан 2975 та прокурор назорати ҳужжатлари қўлланилиб, 1388 нафар шахсининг бузилган ҳуқуқлари тикланди.

/Давоми 4-бетда/

## Комиссия аъзолари малака оширишмоқда

*Шу кунларда Ўзбекистон Республикаси Марказий сайлов комиссияси ва округ сайлов комиссиялари томонидан Ўзбекистон Республикаси Президенти сайловини ўтказувчи участка сайлов комиссиялари аъзолари учун ҳудудий семинарлар ўтказилмоқда.*

Мазкур семинарлар сайлов комиссиялари аъзоларининг ҳуқуқий билимини янада ошириш ва сайлов комиссиялари фаолиятини самарали ташкил этиш бўйича кўникмаларини бойитишга қаратилган.

Ўзбекистон Республикаси Президенти сайловини ёритиш бўйича Республика матбуот марказида Тошкент вилояти участка сайлов комиссиялари аъзолари учун шундай тadbбир ташкил этилди.

Марказий сайлов комиссияси раиси М. Абдусаломов Ўзбекистон Республикаси Президенти сайлови муҳим сиёсий воқеа эканини таъкидлади. Сайловга тайёргарлик кўриш, уни демократик принциплар асосида ўтказиш участка сайлов комиссиялари зиммасига катта масъулият юклайди.

Тadbбирда участка сайлов комиссияларининг долзарб вазифалари ҳақида сўз юритилиб, барча йиғилиш, учрашув ва суҳбатлар Ўзбекистон Республикаси Президенти сайловига тайёргарлик кўриш ва уни ўтказиш бўйича асосий

tadbбирлар дастурига қатъий риоя этилган ҳолда ташкил қилинаётгани қайд этилди. Барча сайлов комиссияларининг фаолияти мустақиллик, қонунийлик, коллегиялик, ошкоралик, адолатлик каби демократик принциплар асосида ташкил этилмоқда.

Семинарда муддатидан олдин овоз бериш ва сайлов кўни овоз беришни ташкил қилиш тартиби, сайлов жараёнида халқро кузатувчиларнинг роли, сайлов кампаниясининг очиклик ва ошкоралигини таъминлашга оид маърузалар тингланди.

Экспертлар Ўзбекистон Республикаси Президенти сайловининг аҳамияти, сайловни юксак демократик даражада ташкил этиш, жойларда сайловчилар учун қулай шарт-шароитлар яратиш ҳақида сўз юритишди.

Тadbбирда участка сайлов комиссиялари сайлов жараёнининг муҳим бўғини экани эътибор олинган ҳолда, овоз беришни қонун талабларига мувофиқ ўтказиш, халқро ва маҳаллий кузатувчилар, оммавий ахборот воситалари вакиллари ҳамда участка сайлов комиссиялари фаолияти билан боғлиқ бошқа жиҳатларга ҳам алоҳида эътибор қаратилди.

Семинар иштирокчиларини қизиқтирган саволларга атофлича жавоб қайтарилди. Улар Ўзбекистон Республикаси Президенти сайловини ёритиш бўйича Республика матбуот маркази фаолияти билан ҳам танишишди.

# Такрор уйланишга пули бор-у алимент тўлашга...

Хуқуқбузарликлар профилактикаси бугунги кунда долзарб масалалардан бири ҳисобланади. Бу ўз навбатида, вояга етмаганларнинг назоратсизлиги, қаровсизлиги, улар томонидан хуқуқбузарликлар ёки гайриижтимоий хатти-ҳаракатлар содир этилишига имкон бераётган сабаб ва шарт-шароитларни аниқлаш ва бартараф этишга қаратилган, ижтимоий жиҳатдан хавфли ҳолатдаги вояга етмаганлар ва оилалар билан олиб борилаётган профилактика ишларини янада кучайтиришни талаб қилади.

## Огоҳлик — давр талаби

Файратжон МУҲАММЕДОВ,  
Охангарон туман прокурори

Юртимизда бу борада қабул қилинган қонунлар болаларни ҳимоя қилишнинг норматив-ҳуқуқий базасини такомиллаштиришга, вояга етмаганлар ўртасида назоратсизлик ва хуқуқбузарликлар профилактикасини амалга оширувчи органлар ва муассасаларнинг, шунингдек, ота-оналарнинг, васийлик ва ҳомилий органларнинг масъулиятини янада оширишга қаратилган.

Охангарон туманидаги Санот касб-хунар коллежида туман прокуратураси ва ҳокимлиги ҳамкорлигида Ўзбекистон Республикасининг "Таълим тўғрисида"ги ҳамда "Вояга етмаганлар ўртасида назоратсизлик ва хуқуқбузарликларнинг профилактикаси тўғрисида"ги Қонунлари, Вазирлар Маҳкамасининг 2011 йил 17 январдаги "Вояга етмаганлар ишлари бўйича комиссиялар фаолиятини такомиллаштиришга доир қўшимча чора-тадбирлар тўғрисида"ги Қарори ижросини таъминлаш, шунингдек, вояга етмаганлар ўртасида жиноятчилик, хуқуқбузарлик ва назоратсизликларнинг олдини олиш ва унга барҳам бериш мақсадида "Одам савдоси — давр муаммоси" мавзусида тадбир ўтказилди.

Тадбирдан кўзланган асосий мақсад ижтимоий муҳитни соғломлаштириш ҳамда вояга етмаган ёшларни турли оқимларга қўшилиб қолишдан огоҳ этиш бўлиб, унда ўзга юртларга алдов йўли билан олиб чиқиб кетилган ёшлар ва бошқа шахсларнинг муносабатлари алоҳида эътибор қаратилаётгани таъкидланди. Шу билан бирга, ёшларга чет элдан иш тақлиф қилинганда, бу ҳақда тегишли маълумотлар олишлари мумкин бўлган идора ва муассасалар ҳақида ҳам тушунтиришлар берилди.

Тадбирда иштирокчиларга тўғри йўлдан адашмасликлари ҳақида, жиноят учун жавобгарлик муқаррар эканлиги турли воқеалар асосида тушунтириб ўтилди.

Илғилиш сўнггида Ўзбек миллий академик драма театрининг эл суйган, таниқли санъаткорлари ижросида "Огоҳ бўлинг, одамлар!" номли спектакль намойиш этилди.

Оилавий можаролар ажратиш билан тугагач, баъзи оталар боласини тақдир ҳуқуқига топширгани етмагандек, оталик мажбуриятини бажаришдан ҳам бош тортишади. Ўзларини бечораҳол кўрсатишга уриниб, ҳар қандай тизимсизликка тайёр туришади.

Чирокчи туманининг "Қалқама" қишлоғида яшовчи Ҳасан Эргашев, бир қараганда, дуруст одам. Аммо унинг ҳаёт китобини арақласангиз, инсоний фазилатлар борасида анчагина оқсоқ эканлигини кўрасиз. Тайинли бир жойда ишламайдиган бу одам умр дафтариинг уйланиш бобида янги-янги саҳифаларни очарверган.

Ҳ.Эргашев 4 нафар фарзанди бўлишига қарамай, биринчи турмушдан ажрашди. 1994 йилда Фотима Суюнова билан шаръий никоҳ орқали оила қурди. Ўзаро турмуш давомида уларнинг 2 нафар фарзанди дунёга келди. Аслида болалар эр-хотинни боғлаб турувчи мустаҳкам маънавий ришталар ҳисобланади. Қолаверса, фарзанд

оила қувончи, авлодлар давомийлигини таъминловчи муҳим омилдир. Бироқ Ҳасан Эргашев учун фарзандлар гўёки эр-хотин ўртасидаги муносабатларга совуқчилик туширди. Оилавий жанжаллар кўпайди. Ҳақиқат шунда эдики, оила бошлиғи ҳисобланадиган эр болалари учун қайғуриши, уларни ҳам моддий, ҳам маънавий жиҳатдан таъминлаши зарур эди. Бироқ ота буни тушунишни истамасди. Жанжаллар хотиннинг болаларни олиб уйни тарк этиши билан якунланди. Оиланинг парчаланиши эса уни заррача ташвиш қолмади. Чунки у анойилардан эмасди. Хотини кетгач, кўп ўтмай учинчи бор уйланди. Бу орада собиқ хотини Фотима Суюнова икки нафар фарзандига алимент ундириб беришни сўраб, фуқаролик ишлари бўйича Чирокчи туманлараро судига мурожаат қилди. Суд унинг аризонасини қаноатлантириб, Ф.Суюнованинг фойдасига вояга етмаган фарзандларига алимент ундириш тўғрисида қарор чиқарди. Ҳасан Эргашев суд қарори-

га биноан бироз алимент тўлаб юрди. Бироқ 2013 йилнинг 1 майдан бошлаб, фарзандлари таъминотини бутунлай тўхтатиб қўйди. Чунки у бу пайтда тўртинчи бор уйлانган ва фарзандлари яна биттага кўпайганди. Негадир унинг хотин устига хотин олиши қишлоқ оқсоқолларининг, қолаверса, қўни-қўшниларнинг парвойига ҳам келмасди.

Суд ихроҷларининг бир неча огоҳлантиришларига қарамай, Ҳ.Эргашев алимент тўлашга имконияти йўқлигини баҳона қилиб юраверди. Натижада 2013 йилнинг 1 майдан 2014 йилнинг 31 июлига қадар 3 млн. 199 минг сўмдан ошироқ микдордаги алимент пуллари фарзандларининг моддий таъминоти учун тўланмасдан қолди.

Фотима Суюнова собиқ турмуш ўртоғидан алимент ундира олмаганидан сўнг, жиноят ишлари бўйича Чирокчи туман судига мурожаат қилди.

Судда Ҳасан Эргашев ҳеч қаерда ишламаслигини, алимент тўлашга моддий имко-

Акбарали ЮСУПОВ,  
Чирокчи туман  
прокурори ўринбосари

ни йўқлигини айтиб, турли баҳоналарни тўқиди. Ажаблანарли ҳол. Оиласини сақлаб қолиш чораларини излаш ўрнига ажралишни хошлаб, яна икки бор уйланишга маблағ топа олган ота пушти камаридан бўлган болаларининг ҳақиқатга хиёнат қилиб турса?! Бизнинг назаримизда, у умр йўлдошига меҳр ва садоқат кўрсатиши, фарзандларини бахтиёр этиши ҳаётининг асл мазмуни, деб билмаган кўринади. Бунинг ўрнига қайта-қайта уйланиши оддий ҳолга айланган бўлган. Унинг учун балки ҳаёт мазмуни шудир?!

Жиноят ишлари бўйича Чирокчи туман суди Ҳ.Эргашевдан 3 млн. 199 минг 177 сўм микдордаги алимент пулини ундириш билан бирга, унга иш ҳақининг 20 фоизини давлат даромади ҳисобига ушлаб қолган ҳолда бир йил-у олти ой мuddатга ахлоқ тузатиш иши жазосини таъинлади.

## Қинғир ишнинг оқибати

Мамлакатимизда яратилган шарт-шароитлар, қонун устуворлигининг таъминланаётгани фуқароларимизга ўз иқтидорларини рўёбога чиқариш, эркин меҳнат қилиб, кўнглигадех даромад топиш, бу орқали эса иқтисодий имкониятларни кенгайтириш, қолаверса, юрт равнақиға муносиб улуш қўйиш имконини бермоқда. Ушбу имкониятлардан қонуний асосларга фойдаланаётган юрдошларимиз кўлга қирғайтаётган муваффақиятларга мамлакатимизда амалга оширилаётган бунёдкорликлар мисолида гувоҳ бўлиб турибмиз.

Бироқ, ҳали ҳам беш бармоғини озғизга тиқишни қанда қилмаётган юрдошларимизнинг ҳам борлиги ачинар-ли, албатта. Бу эса ўз навбатида, қонун ҳимоячиларини доимо сергакил билан фаолият кўрсатишга ундайди.

Маълумки, яширин цехлар мамлакатга ижтимоий-иқтисодий зарар келтиради. Шунинг билан олган ҳолда ҳуқуқни муҳофаза қилувчи органлар томонидан бундай фаолиятини фош қилиш ва чек қўйишга алоҳида масъулият билан ёндашилмоқда. Жумладан, Богот туман ҳуқуқни муҳофаза қилувчи органлари томонидан қўлбола усулда тайёрланган мосламалардан фойдаланиб келаётган шахсларни аниқлаш юзасидан ўтказилган тадбирда тумандаги "Маданият" қишлоғида

яшовчи Эркинбой Қурбантурдиев яширин цех ташкил қилиб, қўлбола усулда пахтадан чигитни ажратиб, ёғ ва кунжара ишлаб чиқариш билан шуғулланиб келаётганлиги аниқланди.

Цехдан 173 литр истеъмолга яроқсиз ёғ, 1 144 килограмм кунжара ва мой-ҳубуз топилиб, ашёвий далил сифатида ҳужжатлаштирилди.

Маълум бўлишича, Э.Қурбантурдиев бу махсулотларни "Богот пахта тозалаш" ОАЖнинг "Амударё" урулғик чигит ивйтиш шохобчаси мудири Сотимбой Мадримовдан 1 млн. 900 минг сўмга сотиб олган экан. Суд томонидан сохта тадбиркор Э.Қурбантурдиев ҳамда мансаб мавқеини суистеъмол қилиб, ўзига ишониб топширилган ва ўзганинг ихтиёрида бўлган 6 млн. 910 минг сўмлик 3627 килограмм урулғик

Сардорбек ИСМОИЛОВ,  
Хоразми вилоят прокурори ёрдамчиси

чигитни ўзлаштириш йўли билан талон-торож қилган С.Мадримов Жиноят кодексининг тегишли моддалари билан жиноий жавобгарликка тортилди. "Нафсим менинг балодур, ёнар ўтга соладур", дея шунини айтсалар керак-да!

Ҳа, қонун ҳимоячиларининг саёб-ҳаракатлари билан сохта тадбиркорнинг фаолияти ўз вақтида фош қилинди. Бу билан нафақат электр энергиясидан ноқонуний фойдаланишга чек қўйилди, балки сифатсиз ёғ махсулоти билан юрдошларимиз саломатлигига раҳна солинишига ҳам йўл қўйилмади.

Тадбиркорликнинг қонуний турлари кўп. Улардан келадиган иқтисодий фойда ҳам кам эмас. Шундай экан, бебилка даромадни деб юрт иқтисодиётига, эл саломатлигига зарар етказиш шарт эмас-ку?! Умид қиламизки, юқорида келтирилган мисол бошқаларга ҳам сабоқ вазифасини ўтайди.

Иш билан бандлик — муҳим макрорқиқсий мезон ҳисобланиб, жамиятнинг ижтимоий ва иқтисодий омилларини ўзига жамлайди. Жамиятга фойдали меҳнат билан банд аҳоли қанчалик кўп бўлса, ҳақнинг турмуш даражаси ва фаровонлиги ошади.

Ана шу мақсадда Когон шаҳар ҳокимлиги, шаҳар прокуратураси ҳамда Бандликка кўмаклашиш ва аҳолини ижтимоий муҳофаза қилиш маркази ҳамкорлигида меҳнат бозори ярмаркаси ўтказилди.

Бунда энг аввало, аҳоли бандлигини ва шу асосида унинг даромадлари ва турмуш даражасини ошириш,

ишга жойлаштириш муҳтож, иш билан банд бўлмаган, билан-билмай жиноят содир этиб жазони ўтаб чиққан шахслар, суд ҳукми билан жазо чораси кечиктирилган ва ахлоқ тузатиш ишларига жалб қилинганлар, шунингдек, вояга етмаган фарзандлари таъминоти учун алимент тўлаётган ижтимоий фойдали меҳнатга лаёқатли шахслар, узоқ мuddат давомида республикадан ташқарида бўлиб қайтган, ҳуқуқни муҳофаза қилувчи органлар сукубатидан ўтган ҳамшаҳарларимиз ва бошқа тоифадаги ишсиз фуқаролар иштирок этди.

Иш билан банд бўлмаган

фуқаролар сонини мумкин қадар камайтириш мақсадида меҳнат ярмаркасида шаҳар ҳудудида фаолият кўрсатётган 78 та ийрик ва ўрта корхона, ташкилот ва муассасалар 530 дан ортиқ бўш иш ўринлари билан қатнашди.

Меҳнат ярмаркасида 48 нафар шахсга ишга жойлаштириш учун йўланмалар, 218 нафарига меҳнат қонунчилиги бўйича ҳуқуқий маслаҳатлар берилди.

Когон шаҳар ҳокимлиги ва прокуратураси ташаббуси билан "KNAUF" Ўзбекистон-Германия қўшма корхонаси ҳамкорлигида шаҳардаги иш билан банд бўлмаган фуқа-

## Фаровонлик омили

Бахтиёр ОТАЖОНОВ,  
Когон шаҳар прокурори

ролардан Россия Федерациясидан қайтган ва касб мухтассислиги бўлмаган ёшларни касбга тайёрлаш мақсадида қисқа мuddатли ўқув курслари ташкил қилинди. Унда қўшма корхонада ишлаб чиқарилаётган қурлиш материалларини уй-жойларни ташвирашда, бино ва иншоотларда ишлатиш усуллари ва тартиби ўргатилмоқда. Касбга тайёрлаш ва сертификат билан таъминлаш тўлиқ қўшма корхона ҳисобидан амалга оширилиши кўзда тутилган.

# Аёллари Эъзозланган юрт

**Аёл — нозик ҳилқат, бетакрор мўъжиза, гўзаллик, меҳр-муҳаббат тимсоли. Аёлларсиз ҳаётимизни тасаввур қилиб бўлмайди. Улар ҳонадонимиз чироғи, нафақат бугунги кунимизнинг мазмуни, балки эртанги кунимиз давомчилари, келажак авлоднинг яратувчиларидир.**

**А**ёллари соғлом юртининг фарзандлари баркамол, келажаги нурафшондир. Бу борада мамлакатимиз хотин-қизларига ҳавас қилса арзийди. Бугун аёлларимиз нафақат оилада яхши бека ёки меҳрибон она, балки жамиятимизда ҳам етук мутахассис, ўз касбининг устаси сифатида олдинги сафларда меҳнат қилишмоқда. Бу эса аёлнинг жамиятда ўз ўрнини топиши — унинг ҳаётдан мазмун ва қувонч топиб яшаётганидан далолатдир.

Шу маънода Президентимиз Ислам Каримов раҳнамолигида Ўзбекистонда хотин-қизларнинг жамиятдаги ўрни ва мавқеини мустаҳкамлаш борасида эътирофга лойиқ ишлар амалга оширилмоқда. Зеро, жамиятда сиёсий, ижтимоий-маънавий муҳит барқарорлиги ва тараққиёти аёлларга, ёшларга, оилага бўлган муносабат ва эътиборга боғлиқ. Юртбошимиз аёлларнинг жамиятдаги ўрни ва ролига юқори баҳо бериб, уларнинг ҳуқуқ ва манфаатларини ҳимоя қилиш, хотин-қизлари-

ларлар саломатлигини муҳофаза қилиш йўлида барпо этилган ва замонавий тиббий ускуналар билан жиҳозланган диагностика, скрининг ва перинатал марказлари бугун ҳар жиҳатдан соғлом авлодни тарбиялаш имконини бермоқда. Бу саъй-ҳаракатларнинг самарасида бугун юртимиз хотин-қизлар учун қулай шароитлар яратиш ва оналикни муҳофаза қилиш борасида дунё мамлакатлари орасида етакчи ўринлардан бирини эгаллаб турибди. Бу йўналишда мамлакатимизда яратилган миллий тизим дунёнинг кўплаб ривожланган давлатларида намуна сифатида ўрганилаётган.

Мамлакатимиз аёлларини эъзозлаган юрт сифатида халқаро ҳамжамиятнинг хотин-қизларнинг ҳуқуқларини кафолатлашга қаратилган халқаро ҳужжатларининг иштирокчисидир. Бундан ташқари, Ўзбекистон Республикаси Президентининг 2004 йил 25 майдаги "Ўзбекистон Хотин-қизлар кўмитаси фаолиятини қўллаб-қувватлаш борасидаги қўшим-

шакллари ривожлантириш чора-тадбирларини ишлаб чиқиш ва қабул қилиш, ижтимоий-сиёсий фаоллигини оширишга, хотин-қизлар нодавлат нотижорат ташкилотларининг мамлакатнинг ижтимоий, сиёсий ҳаётида, халқаро хотин-қизлар ҳаракатидаги фаол иштирокига кўмаклашишга қаратилган тадбирларни тийёрлаш ва амалга ошириш ушбу комиссиянинг асосий вазифаси қилиб белгиланди.

Аёлларимизнинг жамият ҳаётидаги фаоллиги ҳақида сўз юритар эканмиз, Юртбошимизнинг: "Тан олиш керакки, аёллар бандлиги ҳақида сўз юритганда, биз одатда хотин-қизларнинг меҳнати асосан таълим соҳасида, аввало, боғча ва мактабларда, шунингдек, соғлиқни сақлаш тизимида, енгил ва озиқ-овқат саноати, қайта ишлаш тармоқлари каби аънавий йўналишларда, маданий ва санъат соҳасида кўпроқ талаб этилади, деб ҳисоблашга ўрганиб қолганмиз... Кейинги йилларда мамлакатимиз иқтисодиётини модернизация қилиш ва технологик янгилаш бўйича амалга ошираётган кенг қўламли

ислохотларимиз натижасида иқтисодиётнинг автомобилсозлик, микробиология, фармацевтика, электрон ва электротехника саноати, ахборот-коммуникация технологиялари, сервис ва бозор иқтисодиёти хизматлари каби юқори технологияларга асосланган замонавий тармоқларида ҳам хотин-қизларнинг ҳиссаси тобора ортиб бормоқда", деган фикрларини келтириб ўтишни жоиз билдик.

Дарҳақиқат, мамлакатимизда

хотин-қизларнинг ижтимоий-сиёсий фаоллиги ҳам йил сайин ортиб бормоқда. Энди улар барча соҳаларда ўзларининг салоҳиятларини намойиш этиб, ўз билим ҳамда маҳоратини давлат ва жамиятнинг ривожланиши, баркамол авлод тарбияси учун тасаруф этган ҳолда, мамлакатимиз раваннага муносиб ҳисса қўшишмоқда.

Шу ўринда, баҳор фаслининг бошланишида кенг нишонланган байрамлардан бири бўлган 8 март — Халқаро хотин-қизлар кунини арафасида турибмиз. Албатта, бу байрам мамлакатимизда ўзгача тараддул билан қарши олиниши барчамизга маълум. Фурсатдан фойдаланиб, барча оналаримизни, опа-сингилларимизни, хотин-қизларимизни нафосат байрами билан чин кўнгилдан табриклаймиз.



## Меҳр-муҳаббат ва гўзаллик тимсоли

/Давоми.  
Бошланиши 1-бетда/

Норбўта ҲОЗИЕВ,  
«Ниқуқ»

**И**нсониёт тарихи шундан далолат берадики, ҳар бир халқнинг маданий даражаси хотин-қизларга бўлган муносабати билан белгиланади. Бизнинг диёримизда аёлга бўлган муносабат ҳаммаша ўрнатилган бўлган. Чунки миллий менталитетимиз, тарбиямиз шундай. Тўмарису Бибихонимнинг авлодлари, Нодирабегим Увайсийнинг зурриётлари бугун биз билан елкадош бўлиб туришибди.

Аёл ва истиқлол, аёл ва жамият, она ва миллат... Бу сўзларнинг замирида кенг қўламли фалсафа мавжуд. Аёл яратувчи: у дунёга фарзанд армуғон этиб, келажакни, миллатни яратади. Шарқ тафаккур ҳазинасида: "Агар эркакка таълим-тарбия берсанг, бир кишини тарбия қилган бўласан, аёлга таълим-тарбия берсанг, бутун миллатни тарбиялаган бўласан", деган битик бор.

Мутахассисларнинг фикрича, фарзанд илк ҳаётий билимининг 80 фоизини онадан олар экан. Ҳа, биз меҳр-муҳаббат ва одамийликнинг илк сабоқларини азиз оналаримиздан, уларнинг бешигимиз узра парвона бўлиб айтган алла оҳангларидан олганмиз. Қалбимизда неки олижаноб туйғулар бўлса, уларнинг барчаси, аввало, оналаримиздан. Дунёда муқаддас деган сўзга энг муносиб зот ҳам Онадир. Шу боис, токи ҳаёт бор экан, биз мўътабар она сиймоси олдида доимо бош эгиб, таъзим қиламиз.

Ҳадиси шарифда ҳам "Жаннат оналар оёғи остидадир", деб бежиз айтилмаган. Улар бизни фақат дунёга келтирибгина қолмай, оқ ювиб, оқ тараб, меҳру ардоқ билан улғайтирадилар. Ютуқларимиздан қувониб, шод-хуррам чоғларимизда қувончимизга шерик, бошимизга мушкул иш тушганда, оғир дамларда тасалли берувчи суячимиз ҳамдир. Фарзандининг икболидан, бахту саодатидан дунёда онадан ортиқ қувонадиган зот йўқ. Улар ана шу қувончга етиш, фарзандларининг орзу-хавасини кўришга бутун умрини бағишлайдилар, тунларни бедор, кунларни беҳаловат ўтказдилар. Демакки, ҳар биримизнинг камолимизда, шубҳасиз, волидаи муҳтарамаларимизнинг ҳиссаси беқиёс. Шундай экан, биз уларга ҳар қанча эҳтиром айласак, иззат-иқром кўрсатсак оз. Зеро, она, аёл — бир қўлида бешикни, бир қўлида дунёни тебратувчи табаррук зот.

Президентимиз Ислам Каримов раҳнамолигида мамлакатимизда аёлларга бўлган юксак ҳурмат-эътибор ва ғамхўрликнинг амалий исботи сифатида хотин-қизларнинг жамият ҳаётидаги роли ва таъсирини кучайтириш, уларнинг ҳуқуқий, ижтимоий, иқтисодий ва маънавий манфаатларини ҳимоя қилиш мақсадида бир қатор қонун ҳужжатлари қабул қилинди. Оила, Аёллар, Соғлом авлод, Она ва бола, Обод маҳалла, Сиҳат-саломатлик, Баркамол авлод ва Соғлом бола йиллари муносабати билан қабул қилинган Давлат дастурлари, кўплаб фармон ва қарорлар айна шу мақсадларга хизмат қилмоқда.

Халқимизнинг эзгу орзуси бўлмиш ҳар томонлама соғлом авлодни вояга етказишда "Соғлом она — соғлом бола" дастури доирасида перинатал ва скрининг марказлари, минглаб қишлоқ врачлик пунктларининг ташкил этилгани, ихтисослаштирилган шифохоналар ҳамда шошилинч тиббий ёрдам хизматида иборат замонавий тизим яратилгани, аҳолининг, биринчи навбатда, аёлларнинг соғлигини асраш ва мустаҳкамлаш йўлида қўйилган тарихий қадам бўлди. Шундай саъй-ҳаракатлар натижаси ўлароқ, мустақиллик йилларида оналар ва болалар ўлими уч марта камайди, аёлларнинг ўртача ёши 67 ёшдан 75 ёшга кўтарилди.

Хотин-қизларнинг ижтимоий-сиёсий фаоллигини ошириш, уларнинг ҳокимият ва бошқарув идоралари, вакиллик органлари фаолиятида, тадбиркорлик ва фермерлик соҳасида муносиб иштирокини таъминлаш, ўз қобилият ва истеъдодини рўйбга чиқариши учун имкониятлар яратиб берилмоқда. Айниқса, тадбиркорлик, ўрта ва кичик бизнесни ривожлантириш, янги иш ўринлари яратиш борасида олиб борилаётган ишлар тобора кўпроқ самара бермоқда.

Ҳуқуқ-тартибот органларида аёлларнинг хизмат қилишлари, айниқса, алоҳида фидойиликни талаб этади. Баъзида бир жониятни очиб илинжида ҳаловатдан кечинчи, тунларни тонгларга улашга тўғри келади.

Муҳтарам онахонлар, азиз опа-сингиллар! Мамлакатимизда кўклар таровати, меҳр-муҳаббат ва нафосат байрами шуқуқ кезиб юрган айна кунларда Сизларга толенгиниз баланд, ризку насибангиз зиёда, бағрингиз бутун, оилангиз тинч, гўзаллик ва меҳр-муҳаббат доимо ёр бўлсин, деймиз.



мизнинг билимдон, замонавий мутахассис, малакали касб эгалари бўлишлари ҳамда соғлом ва мустаҳкам оила қуришлари учун зарур шарт-шароитлар яратиш, биринчи навбатда, соғлом бола туғилиши ва уни тарбиялаш, оналар ва болалар соғлигини муҳофаза қилиш давлатимиз ва жамиятимизнинг доимий эътиборидаги энг устувор вазифа эканлигига алоҳида эътибор қаратмоқда. Маълумки, миллатнинг ўзига хос маънавиятини шакллантириш ва оқсальтиришда, шубҳасиз, оиланинг, унда эса аёлнинг ўрни ва таъсири беқиёсдир. Чунки, инсоннинг энг соф ва покиза туйғулари, илк ҳаётий тушулча ва тасаввурлари биринчи бўлиб оила бағрида ва она тарбияси билан шаклланади.

Соғлом она — соғлом бола, соғлом бола — соғлом келажак, демакдир. Оналар ва бо-

ча чора-тадбирлар тўғрисида "ги Фармони ижросини таъминлаш мақсадида ташкилий ва тарғибот чора-тадбирлари дастури тuzилди. Ушбу дастурда мамлакатимизда амалга оширилаётган демократик ўзгаришларга тўлиқ мос ҳолда хотин-қизларнинг ижтимоий-сиёсий фаоллигини янада ошириш, уларнинг оила, жамият ва давлат қурилишидаги вазифаларни ҳал этишдаги ўрни ва нуфузини мустаҳкамлаш мақсадида хотин-қизлар билан доимий ишлайдиган комиссия тuzилди. Хотин-қизлар ҳуқуқларини ҳимоя қилиш ахволини мунтазам равишда ўрганиш ва баҳолаш, уларнинг оила, жамият ва давлат қурилишидаги вазифаларни ҳал этишдаги ролини ошириш, иш билан таъминлаш, ишга жойлаштиришга ҳар томонлама кўмаклашиш, аёллар тадбиркорлигининг турли

# Адолат қонун устуворлиги билан ўлчанади

*/Давоми.  
Бошланиши 1-бетдан/*

Биринчи даражали тўловларнинг амалга оширилиши ҳамда нақд пул тушуми прогноз кўрсаткичларининг тўғри белгиланиши ва амалда бажарилиши бевосита вилоят прокуратураси ҳамда бошқа ҳуқуқни муҳофаза қилувчи органлар раҳбарларининг алоҳида назоратига олинган бўлиб, соҳага масъул бўлган раҳбар ходимларга нисбатан қатъий прокурор назорати ҳужжатларининг қўлланилиши ўз самарасини бермоқда. Таҳлиллар шуни кўрсатдики, нақд пул тушумига бевосита масъул бўлган Марказий банкнинг вилоят бош бошқармаси, банк муассасалари, ҳокимликлар ҳузурдаги пул-кредит сисъати комиссияси ҳамда Давлат солиқ инспекцияси раҳбарлари ўз вазифаларига масъулиятсизлик билан қараб, нақд пул тушумига эга бўлган ҳўжалик йоритувчи субъектларга прогноз кўрсаткичларини нотўғри белгилаб келишган. Натижада режалар ойма-ой бажарилмаган, оқибатда иш ҳақи, пенсия ҳамда бошқа ижтимоий тўловлар муддатда тўланмаган.

Ҳуқуқни муҳофаза қилувчи органларнинг аралашуви билан ҳўжалик йоритувчи субъектларга режаларнинг реал белгиланиши таъминланди ва нақд пул тушумига эга субъектлар рўйхати ишлаб чиқилиб, уларнинг манбаларига аниқлик киритилди. Қонунбузилиши ҳолатларини бартараф этиш ҳамда айбдор шахсларнинг интизомий жавобгарлик масаласини қатъий ҳал этиш юзасидан вилоят ҳокимлиги ҳузурдаги ҳудудий пул-кредит сисъати комиссиясига ва Марказий банкнинг вилоят бошқармасига тақдимнома киритилди. Тақдимнома барча тижорат банклари раҳбарлари иштирокида муҳокама қилиниб, пенсия тўловларини ва бюджет ташкилоти ходимларининг иш ҳақларини тўлаб беришни чекитирган 28 нафар банк раҳбари интизомий жавобгарликка тортилди. Тақдимномага асосан шунингдек, вилоят пул-кредит сисъати комиссиясининг қарори билан ўз вазифаларини лозим даражада бажармаган Жиззах шаҳар, Бахмал, Галлаорол, Зомин ва Жиззах

туман ҳокимларининг ўринбосарлари — ҳудудий пул-кредит сисъати комиссияси раислари интизомий жазо олишди. Йил сўнгига қадар жами 88 млрд. 538 млн. сўмлик биринчи даражали ижтимоий тўловлар, шу жумладан, 52 млрд. сўмлик бюджет ташкилотларининг иш ҳақи, 5 млрд. 900 млн. сўмлик нафақа ҳамда 30 млрд. 582 млн. сўмлик пенсия тўловлари банклар томонидан тўлиқ тўлаб берилди.

Прокуратура органлари томонидан кўрсатилган амалий ёрдамлар натижасида газ филиаллари томонидан аҳолининг қазини ундириш бўйича фуқаролик судларига жами 40639 та ва улгуржи истеъмолчилардан 2 млрд. 30,6 млн. сўмни ундириш ҳақида ҳўжалар судига 195 та ариза киритилди. Ваколатли идораларга эса 16 та тақдимнома киритилди. 2 нафар мансабдор шахс қонунбузилишига йўл қўймаслик хусусида оғохлантирилиб, айбдорлардан 4 млн. сўм зарар ихтиёрий ундирилди.

Бундан ташқари, прокуратуранинг ташаббуси билан аҳоли хонадонларида истеъмол қилинаётган электр энергияси ҳисобининг аниқ юритилиши таъминлаш мақсадида Жиззах шаҳрининг "Заргарлик" маҳалласидаги кўп қаватли уйларнинг 500 та хонадонига электрон ҳисоблагичлар ўрнатилиши йўлга қўйилди.

Жисмоний ва юридик шахсларнинг мурожаатларини кўриб чиқиш, ҳал этиш ва фуқаролар қабулини ташкил этиш соҳасидаги ишлар ҳам тегишли қонун ҳўжатлари асосида олиб борилди. Фуқаролар ва юридик шахсларнинг бевосита прокуратура органларига ишончи ортанглиги натижасида мурожаат этиш кўрсаткичлари ортан. Аризаларни кўриб чиқиш учун бошқа муассасаларга юбормасдан, бевосита прокуратурада ҳал қилишга эътибор кўчайтирилди. Бу даврда келиб тушган мурожаатларнинг 4365 таси прокуратура органларида ҳал қилиниб, бу кўрсаткич 2013 йилга нисбатан 1292 тага ёки 42 фоизга ортан. Бу даврда прокуратура органларига мурожаат қилган фуқаролардан 1239 нафарининг бузилган ҳуқуқлари тикланган.

Фуқароларнинг ариза, шикоят ва мурожаатлари юзасидан ўтказилган текшириш натижаларига кўра мансабдор шахсларнинг 81 та ноқонун

ҳўжжатида протест келтирилди. Ваколатли идораларга 42 та тақдимнома киритилди. 80 нафар мансабдор шахс интизомий, 86 нафари маъмурий жавобгарликка тортилди. Аниқланган зарарнинг 110,7 млн. сўм айбдорлардан ихтиёрий ундирилиб, судларга 922,7 млн. сўмни ундириш ҳақида 161 та даъво аризаси киритилди. Келгусида қонунбузилиши ҳолатларининг олдини олиш мақсадида 66 нафар мансабдор шахс расман оғохлантирилди.

"Жисмоний ва юридик шахсларнинг мурожаатлари тўғрисида"ги Қонун ижроси корхона, муассаса ва ташкилотларда, шунингдек, ҳуқуқни муҳофаза қилувчи органларда, назорат-текширув идораларида, маҳаллий ҳокимликлар ва ўзини ўзи бошқариш органларида текширилганда, амалга оширилган ишлар билан бир қаторда, ҳиддий хато ва камчиликларга йўл қўйилганлиги маълум бўлди. Жумладан, 155 та объектда ўтказилган текширишлар натижасига кўра 556 тадан ортқ мурожаатни кўриб чиқишда қонунбузилиши ҳолатларига йўл қўйилганлиги аниқланиб, ваколатли идоралар раҳбарларига 47 та тақдимнома киритилди. Прокурорларнинг протестлари асосида 16 та ноқонуний ҳўжжат бекор қилинди, 9 нафар шахс қонунбузилишига йўл қўймаслик ҳақида оғохлантирилиб, мансабдор шахсларнинг 43 нафари интизомий ва 13 нафари маъмурий жавобгарликка тортилди. Текшириш натижалари бўйича 67 нафар шахсининг бузилган ҳуқуқлари тикланди.

Бевосита вилоят прокуратурасининг ташаббуси билан 64 та коллеж ва 205 та мактабдаги оғохоналар фаолиятини тиклаш ҳисобидан 269 та ҳамда автошуғломларда 112 та иш ўрни ташкил этилди. Қишлоқ жойларида эса 582 та янги иш ўрни яратилди.

Тадбиркорликни қўллаб-қувватлашга қаратилган ишлар кўлами ҳам йил сайин ошиб бормоқда. Амалий ишлар самарасида 39 нафар тадбиркорга 1,3 млрд. сўм кредит олиб берилишида, 9 нафарида фермер ҳўжалиги ташкил

қилиш учун 308 гектар ер майдони ажратилишида, 63 нафарини рўйхатдан ўтказишда, 47 нафарига фаолият олиб бориш учун рухсатнома ва 35 нафарига эҳтиёт қисмлар олиб берилишида, 34 нафарига 308 млн. сўм ҳақдорлигини ундириб беришда ёрдам кўрсатилди, 2003 нафар тадбиркорга ҳуқуқий маслаҳатлар берилди.

Тадбиркорларнинг молия-ҳўжалик фаолиятини ноқонуний аралаштириш, уларга тўсқинлик қилиш, мурожаатларини кўриб чиқмаслик каби қонунбузилишларга йўл қўйган мансабдор шахсларга нисбатан ҳам тегишли прокурор назорати ҳўжатлари қўлланилмоқда. Масалан, Жиззах шаҳар ҳокимлиги савдо, хизмат кўрсатиш ва халқ истеъмол моллари ишлаб чиқариш департаменти бошлиғи Д.Худойкулов 11 нафар тадбиркорни рўйхатдан ўтказишда ортқича ҳўжжат талаб қилганлиги ҳамда 3 нафар тадбиркордан белгиланган миқдордан 144 миң 156 сўм ортқича йигим олганлиги учун маъмурий жавобгарликка тортилди.

Шунингдек, тадбиркорлик субъектларини рўйхатдан ўтказиш ва фаолиятининг амалдаги қонунчилик асосида ташкил қилиниши доимий назоратга олиниб, мутасадди идораларни жалб қилган ҳолда иш олиб борилмоқда. Жумладан, Жиззах туман ҳудудида рўйхатдан ўтмасдан тадбиркорлик билан шуғуллашиб келаётган фуқаролар билан учрашувлар ўтказилиб, уларга тадбиркорлик субъектлари учун яратилган кулай шарт-шароитлар ва имтиёзлар ҳақида тушунтириш берилди. Натижада уларнинг 229 нафари тадбиркор сифатида рўйхатдан ўтказилиб, қонуний фаолиятини бошлади.

Ўтган "Соғлом бола йили" да вилоят прокуратураси органлари томонидан вояга етмаганларнинг ҳуқуқ ва эркинликларини ҳамда қонуний манфаатларини таъминлашга алоҳида эътибор қаратилди.

Коллеж битирувчиларининг бандлигини таъминлаш мақсадида ҳамкорликда йил мобайнида 35 маротаба бўш иш ўринлари ярмаркалари ўтказилиб, уларда 2772 та корхона ва ташкилотлар ўзларининг

Шўхрат АКБАРОВ,  
Жиззах вилоят прокурори

мавжуд бўш иш ўринлари билан иштирок этишди. Меҳнат ярмаркаларида 897 нафар битирувчи ишга жойлаштирилиб, 1297 нафарига меҳнат қонунчилиги бўйича ҳуқуқий маслаҳатлар берилди. 988 нафар битирувчи тадбиркорлик фаолиятини бошлаши учун банклардан 4,7 млрд. сўм кредит маблағлари ажратилиши таъминланди.

Битирувчиларнинг бандлигини таъминлаш мақсадида тузилган уч томонлама шартномаларнинг қонунчилиги ўрганилганда, айрим камчиликлар кўзга ташланди. Масалан, Жиззах туман маийш ҳизмат ва иқтисодиёт касб-ҳўнар коллеж битирувчиси А.Рашидов билан фаолиятни тугатилган "Тоштемир ота боғбон" фермер ҳўжалиги ҳамда О.Турғунов билан "Фаридбек фойз" хусусий корхонаси ўртасида уч томонлама шартномалар тузилган.

Бу борада ўтказилган текширишлар натижасига кўра 85 та гайрикўнуний ҳўжатларга протестлар келтирилиб, аниқланган қонунбузилиши ҳолатларини бартараф этиш юзасидан 60 та тақдимнома киритилди. 96 нафар шахс қонунбузилишига йўл қўймаслик хусусида оғохлантирилиб, 273 нафари интизомий, 7 нафари маъмурий жавобгарликка тортилди.

Ҳуқуқни муҳофаза қилувчи органлар, маҳаллий бошқарув ҳамда ўзини ўзи бошқариш органлари ва жамоат ташкилотлари ҳамда бошқа мутасадди идоралар билан ҳамкорликда, кенг жамоатчиликни жалб қилган ҳолда жиноятчиликнинг олдини олиш борасида ишлаб чиқилган чоратадбирлар режаси асосида ҳар бир ҳудудда тарғибот тадбирлари ўтказиб борилмоқда. Учрашувларда оммавий ахборот воситалари, шунингдек, "Маҳалла" хайрия жамоат фонди ва фуқароларнинг ўзини ўзи бошқариш органлари, "Қамолот" ёшлар ижтимоий ҳаракати имкониятларидан кенг фойдаланилмоқда.

Тадбир

## Азалий қадриятларимизнинг амалий ифодаси

Мустақиллик йилларида юртимизда кўплаб миллий анъаналаримиз тикланиб, янада ривожлантирилмоқда.

2001 йил 29 августда "Жиний жазоларнинг либераллаштирилиши муносабати билан Ўзбекистон Республикасининг Жиноят, Жиноят-процессуал кодекслари ҳамда Маъмурий жавобгарлик тўғрисидаги кодексига ўзгартиришлар ва қўшимчалар киритиш ҳақида"ги Қонуннинг қабул қилинган улкан ижтимоий-сиёсий аҳамият касб этди. Мазкур қонун билан озодликдан маҳрум этиш билан боғлиқ бўлмаган муқобил жазо турларини қўллаш доираси кенгайтирилди, ярашув институти жорий этилди. Ўтган йиллар давомида бу институт имкониятларидан минглаб фуқаролар, оилалар баҳ-

раманд бўлди. Энг муҳими, институт самарадорлиги инобатга олиниб, унинг доираси кенгайтирилмоқда.

Ўзбекистон Республикаси Ички ишлар вазирилик академиясида ярашилганлиги муносабати билан жавобгарликдан озод қилиш институтига такомиллаштириш масалаларига бағишлаб ўтказилган илмий-амалий конференцияда шулар ҳақида сўз юритилди.

Тадбирда сўзга чиққанлар либераллаштириш сисъати ижтимоий жиҳатдан катта аҳамиятга эга бўлиб, мамлакатимизда демократик ҳуқуқий давлат ва инсонпарвар фуқаролик жамиятини шакллантиришга ижобий таъсир кўрсатганини таъкидлашди. Зеро, халқимизга хос бағрикенглик, кеңиримиллик каби қадриятларнинг қонунларимизда ўз ифодасини топгани фуқароларни

фақат эзгуликка бошламоқда. Энг муҳими, у жамиятда ўзаро ҳурмат, ҳам-ҳиҳатлик, аҳиллик, меҳр-оқибат муҳитини мустаҳкамлаб, юртимиз тараққиёти ва халқимиз фаровонлигини янада оширишга хизмат қилмоқда.


Шу билан бирга, ярашув институти жамиятда судланганлик ҳолатини қаммайтирибгина қолмай, унинг оқибатларини бартараф қилиш имконини бераётди. Қолаверса, айбга иқдор бўлишни рағбатлантираётган мазкур самаралар ҳуқуқий институт ортқича суд-тергов ҳаракатлари ва у билан боғлиқ харажатларга ҳам барҳам берди.

Ўзбекистон Республикаси Олий Мажлиси Сенати аъзолари, Қонунчилик палатаси депутатлари, Олий суд, Адвокатлар палатаси, Тошкент Давлат юридик университетини, Бош прокурату-

ра Олий ўқув курслари, Ички ишлар вазирилик тегишли хизматлари ва олий таълим муассасаларининг профессор-ўқитувчилари иштирок этган тадбирда ярашганлик муносабати билан жиний жавобгарликдан озод қилиш институтига аҳамияти, мазкур институтни қўллашнинг процессуал жиҳатлари ҳамда суд-тергов амалиётини ярашув институтига қўллаш билан боғлиқ муаммолар ва уларни бартараф этиш чоралари каби масалалар таҳлил қилинди. Ярашув тўғрисидаги ишлар бўйича иш юритишни назарда тутувчи жиний-ҳуқуқий ҳамда жиноят-процессуал нормаларни такомиллаштириш, уларни амалиётда қўллаш самарадорлигини оширишга доир бир қатор тақлифлар шикди.

Ўз мухбиримиз

# Қасддан банкротлик учун жавобгарлик



**Мамлакат иқтисодий салоҳияти ўсишида хусусий мулкчиликка асосланган тадбиркорлик фаолиятининг ўрни салмоқлидир. Шу боис, тадбиркорлик субъектларини ривожлантириш, уларнинг фаолиятига салбий таъсир этаяётган ҳар қанадай тўсиқларни бартараф этиш давлат сиёсатининг устувор йўналишларидан бири ҳисобланади.**

Соғлом ва барқарор ишбилармонлик муҳитини шакллантириш, тадбиркорлик субъектларига янада қулайлик яратиш, инвестиция жозибдорлигини ошириш, ушбу йўналишдаги ҳуқуқбузарликларни ўз вақтида аниқлаш, корхоналарнинг иқтисодий фаровонлигига салбий таъсир кўрсатаётган нуқсонларни тизимли равишда ўрганиб бориш прокуратура органларида кенг йўлга қўйилган. Ушбу йўналишдаги ўрганишлар давлат томонидан берилаётган имтиёزلардан гараз мақсадларда фойдаланиб, шартномавий мажбуриятларни бажармасдан, тегишли солиқ ва мажбурий тўловларни амалга оширмасдан, кредиторлар ва таъсисчиларнинг ишончини суистеъмом қилиб келаятган қўширноқ чидади тадбиркорлар ҳам учраб туришини кўрсатади.

Ушбу соҳадаги ҳуқуқбузарликларнинг олдини олиш мақсадида қабул қилинган ҳамда 2014 йил 5 сентябрь куни матбуотда эълон қилинган "Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида"ги Қонун билан Ўзбекистон Республикасининг Жиноят ва Маъмурий жавобгарлик тўғрисидаги кодексларига, шунингдек, "Банкротлик тўғрисида"ги Қонунга тегишли ўзгартишлар киритилди.

Эндиликда яқка тартибдаги тадбиркор томонидан ёки юридик шахнинг мансабдор шахси, муассиси (иш-тирокисни) ёхуд мол-мулкнинг мулкдори томонидан шахсий манфаатларини ёки бошқа шахсларнинг манфаатларини қўзлаб содир этилган қасддан банкротликка олиб келиш, яъни тўловга қобилиятсизликни қасддан юзага келтириш ёки ошириш, ушбу яқка тартибдаги тадбиркорнинг ёки юридик шахнинг барқарор иқтисодий ночорлигига (банкротлигига) олиб келса, кредиторларга зарар етказилишига сабаб бўлса, маъмурий, ушбу қилмиш кўп миқдорда зарар етказилишига сабаб бўлса жиноий жавобгарликка тортишга асос бўлади.

Бунда етказилган моддий зарарнинг ўрни қопланган тақдирда, озодликдан маҳрум қилиш тарикасидаги жазо қўлланилмаслиги Жиноят кодекси 181-моддасининг 2-қисмида белгилаб қўйилган.

"Банкротлик тўғрисида"ги Қонуннинг 3-моддаси нормасидан, яъни пул мажбуриятлари бўйича кредиторлар талабларини тўла ҳажмда қондиришга ва (ёки) мажбурий тўловлар бўйича ўз мажбуриятини тўла ҳажмда бажаришга қодир бўлмаган қарздор ҳужжали суди томонидан банкрот (иқтисодий ночор) деб эътироф этилишидан келиб чиқадиغان бўлса, Ўзбекистон Республикаси Бош прокурорининг қонунчилик ташаббуси ҳуқуқи асосида ишлаб чиқилган ушбу ўзгартиш ва қўшимчаларнинг мақсади — ташкилотнинг иқтисодий барқарорлигини, кредиторлар олдидаги мажбуриятларнинг бажарилишини, ишчиларнинг бандлигини, солиқ ва бошқа мажбурий тўловларнинг тўланишини таъминлашга ва энг асосийси, қонунчиликда ушбу соҳада мавжуд бўлган ҳуқуқий бўшлиқни тўлдиришга қаратилган.

Юқоридаги фикрнинг исботи сифатида Жиноят кодексининг 180 ва 181-моддаларида фақат сохта банкротлик ва банкротлиқни яширганлик учун жавобгарлик белгиланганлигини, корхона қасддан банкротлик ҳолатига олиб келганлик учун эса жавобгарлик мавжуд бўлмаганлигини келтириш мумкин.

Бундан ташқари, 2013 йилнинг 14 августига қадар сохта банкротлик ҳамда банкротлиқни яшириш аломат-

ларини аниқлаш борасида ҳам ҳуқуқий бўшлиқ мавжуд эди.

Ўзбекистон Республикасининг Жиноят ва Маъмурий жавобгарлик тўғрисидаги кодекслари, "Банкротлик тўғрисида"ги Қонунда ўз аксини топаган ҳуқуқий нормаларни тўлақонли амалга ошириш механизми сифатида прокуратура органлари томонидан "Сохта банкротлик, банкротлиқни яшириш ва қасддан банкротликка олиб келиш аломатларини аниқлаш қондалари"нинг лойиҳаси ишлаб чиқилганлиги ҳамда Вазирлар Маҳкамасининг 2013 йил 14 августдаги қарори билан тасдиқланганлиги бу йўналишдаги қонунни қўллашда айна мудида бўлди.

Ушбу қондаларда "қарздор", "тўлов қобилияти", "тўловга қобилиятсизлик", "била туриб берилган ёлгон маълумот", "банкротлиқни яшириш", "қасддан банкротликка олиб келиш" тушунчаларига таъриф берилишидан ташқари, солиқ органлари ходимлари ва суд бошқарувчилари томонидан сохта банкротлик, банкротлиқни яшириш, шунингдек, қарздорни қасддан банкротликка олиб келиш аломатларини аниқлаш тартиблари ҳам ўз аксини топаган.

Эндиликда ҳўжалик суди томонидан тайинланадиган суд бошқарувчиси ҳамда Давлат солиқ инспекциялари ходимлари зиммасига қарздорнинг молиявий-ҳўжалик фаолиятида сохта банкротлик, банкротлиқни яшириш ва қасддан банкротликка олиб келиш аломатларини аниқлаш вазифаси юклатилган. Қасддан банкротликка олиб келиш аломатларини аниқлаш ҳўжалик суди томонидан қарздорни банкрот деб эътироф этилган ҳамда тугатишга доир иш юритиш бошлангандан кейин, қарздор учун мажбурий кўрсатмалар бериш ҳўжуқига эга бўлган ёхуд унинг хатти-харакатларини бошқача тарзда аломатлаш имкониятига эга бўлган шахсларнинг гайриқонуний хатти-харакатлари асосида банкротлик келтириб чиқарилишини тахмин қилиш асослари мавжуд бўлганда амалга оширилади.

Бунда юридик шахнинг банкротлиги юридик шахс учун мажбурий кўрсатмалар бериш ҳўжуқига эга бўлган ушбу юридик шахнинг муассиси (қатнашчиси) ёки мулкдори томонидан фақат агар у кўрсатиб ўтилган ҳўқуқдан юридик шахс томонидан бунинг оқибата-

**Дилшод РАҲИМОВ,**

Бош прокуратура Матбуот хизмати прокурори

тида юридик шахнинг банкротлиги бошланишини олдиндан билган ҳолда юзага келтирилган хатти-харакатлар содир этиш мақсадида фойдаланган бўлса, қасддан банкротликка олиб келиш деб ҳисобланади.

Корхона ҳақиқатдан ҳам қасддан банкротлик ҳолатига олиб келингани юридик шахнинг муассиси (қатнашчиси), мулкдори ёхуд раҳбари томонидан қўйилган хатти-харакатлар содир этилганлигида фойдаланди:

- пул маблағларидан ва бошқа мол-мулкдан қарздорга қасддан зарар етказган ҳолда жиноий тарзда фойдаланиш;

- тўлов интизомини бузиш ва шартнома мажбуриятларини бажармаслик;

- мол-мулкни баланс қийматида паст нархда сотиш ёки уни текин бериш;

- муддати ўтказиб юборилган дебиторлик қарзларни ундириш бўйича белгиланган муддатларда чора-тадбирлар кўрмаслик;

- асосий фаолиятга (ишлаб чиқариш, ишларни бажариш ва хизматлар кўрсатишга) жалб этилган қарздор активларнинг 50 фоиздан ортигини бошқа шахсларга бериш;

- ихро этувчи орган ва (ёки) кузатув кенгаши томонидан тегишли равишда уларнинг ваколатига кирмайдиган йирик битимлар тузиш.

Хулоса ўрнида айтиш керакки, банкротлик масаласини янада такомиллаштиришга қаратилган ушбу ҳўқуқий механизм корхоналарнинг маблағлари ва мол-мулкidan оқилона фойдаланишга, корпоратив бошқаруви бозор иқтисодиёти талабларига таянган ҳолда янги поғонага олиб чиқишга хизмат қилади. Бундан ташқари, иш ўринларини сақлаб қолиш, аҳоли бандлигини таъминлаш, муддати ўтган кредитор ва дебитор қарздорликларнинг олдини олиш, ҳисоб-китоб интизомини яхшилаш, шартномавий мажбуриятларни ўз вақтида бажариш, солиқ ва бошқа мажбурий тўловларнинг тўланиши борасида корхона раҳбарлари ва мулкдорларининг масъулиятини оширади.

**Жарён**

## Фаолиятимизнинг устувор вазифаси

**Мамлакатимизда Юртбошимизнинг бевосита ташаббуси ҳамда раҳнамолигида амалга оширилаётган туб ислохотлар самараси сифатида барча соҳаларда юксалишлар кузатилаётган. Эндиликда ҳўқуқий демократик давлатнинг бош тамойили қонун устуворлиги эканлигини ҳар бир фуқаро англаб етмоқда.**

Ўтган йилда департаментнинг Бўҳоро вилоят бошқармаси томонидан давлатимизда амалга оширилаётган ислохотларнинг устувор йўналиши бўлиши тадбиркорларнинг ҳўқуқ ва қонуний манфаатларини ҳимоя қилишга алоҳида эътибор қаратилди. Фаолиятимизда устувор йўналиш сифатида белгиланган турли кўринишдаги ҳўқуқбузарликларнинг олдини олиш мақсадида профилактика, қонунчилик тарғиботи ишлари кучайтирилди, тадбиркорларнинг фаолиятига ноқонуний аралашувларнинг олдини олиш, турли тўсиқ ва суистеъмомликларга барҳам бериш юзасидан таъсирчан чоралар кўрилди.

Қонунчиликда тақиқланмаган ишлаб чиқариш билан яширин равишда шўғулланаётганларни аниқлаш, уларнинг но-

қонуний фаолиятига барҳам бериш ва солиқ тўловчи сифатида қайта рўйхатдан ўтказиб, фаолиятига қонуний тус бериш, шунингдек, очиқ мулоқотлар доамида тадбиркорлик билан шўғулланиш истагида бўлган фуқароларга тушунтиришлар орқали қўшимча иш ўринлари яратиш учун лозим бўлган ҳўқуқий чоралар кўрилди. Шунингдек, ҳуфиёна иқтисодиётга, тадбиркор ниқоби остида ноқонуний фаолият юритиб, носоғлом рақобат муҳитига барҳам бериш орқали тадбиркорларнинг қонуний манфаатлари муҳофазасига алоҳида эътибор қаратилди. Муқаддам ноқонуний фаолият юритган, шунингдек, тадбиркорлик фаолияти билан шўғулланиш истагида бўлганлардан 317 тасига ҳўқуқий ёрдам ва маслаҳатлар берилиши натижасида 343 та янги иш ўрни



яратилди, 7 та ишлаб чиқариш цехи фаолиятига қонуний тус беришга қўмақлашилди.

Қонунийликни мустаҳкамлаш йўлида олиб борилган тадбирлар натижасида аниқланган ҳўқуқбузарликлар юзасидан 213 та жиноят ва 8 та маъмурий ишлар қўзғатилди. Бюджетга 34 млрд. 173 млн. сўм қўшимча маблағлар ҳисобланди, 14 млрд. 308 млн. сўмининг ундирилиши таъминланди.

Бундан ташқари, хорижий валюталарни ноқонуний муомалага киритиш ва уларни айирбошлаш билан боғлиқ ҳўлатларнинг олдини олиш ҳамда бундай ноқонуний фаолият билан шўғулланаётган

шахсларни фош этиш юзасидан олиб борилган тадбирлар натижасида 24 та ҳўқуқбузарлик аниқланиб, улардан ноқонуний муомалада бўлган 68 минг 600 Россия рубли, 61 минг 620 АҚШ доллари, 560 евро ва 183 млн. 700 минг сўмнинг давлат ҳисобига ўтказилиши таъминланди.

Хуфиёна иқтисодиётга қарши курашиш, истеъмомчиларга сифатсиз маҳсулотлар сотилишининг олдини олиш бўйича ўтказилган тадбирларда 35 та яширин ишлаб чиқариш фаолиятига барҳам берилди. Ҳўқуқбузарлардан муомалага киритиш мақсадида тайёрланган 240 млн. сўмлик сифатсиз маҳсулотлар, ҳомашё ва ускуналар олиб қўйилиб, ушбу ҳўлатлар бўйича жавобгарлик масаласи ҳал этилди.

Вилоят аҳолисига биринчи даражали тўловларнинг тўланиши аҳоли ўрганилиб, тезкор таҳлиллар натижасида 67 млрд. 658 млн. сўмлик нақд пулларнинг бандан ташқари айланмаси аниқланди. Ушбу ҳўлатлар бўйича 79 та жиноят ва 3 та маъмурий ишлар қўзғатилиб, айбдорларга нисбатан ҳўқуқий чоралар кўрилди.

**Агзам МАРДИЕВ,**

СВОЖҲДЛҚК департаментининг Бўҳоро вилоят бошқармаси бошлиги

Ўтган йил давомида коррупция ва жиноятчиликка қарши курашиш ҳамда унинг олдини олишга қаратилган тадбирларнинг тўғри йўлга қўйилиши натижасида тамагирлик йўли билан пора олганлик, шунингдек, товламачилик йўли билан ҳақ беришни талаб қилганлик ҳўлатлари бўйича жами 13 та жиноят иши қўзғатилиб, уларга нисбатан қонуний чоралар кўрилди.

Мамлакатимизда ўтган йиллар давомида иқтисодий ислохотларнинг ўта муҳим соҳаларида қўлга киритилган муваффақиятлар, авваламбор, тадбиркорлик фаолиятига, кичик ва ўрта бизнесга кенг имкониятлар яратилаётганлиги, улар фаолиятининг янада эркинлаштириш натижаси десак, асло хато бўлмайди. Шундан экан, қонуний тадбиркорлик фаолиятининг юритиш субъектларининг ҳўқуқ ва манфаатларини доимо ҳимоя қилиш фаолиятимиздаги устувор вазифалардандир.

# Хуфийёна иқтисодиётга йўл йўқ

Ҳар қандай давлатнинг иқтисодий ривожланишига тўғриватган бўлувчи омиллардан бири хуфийёна иқтисодиётлар.

**Спирт, алкогольи маҳсулотлар ва акциз солиғи солиналмиган товарларнинг бошқа турларини ишлаб чиқариш ва сотишни тартибга солиш юзасидан кўрилатган чора-тадбирларга қарамастан уларни яширин ишлаб чиқариш, ноқонуний равишда муомалага киритиш ҳолатлари ҳамон учрамоқда.**

Ўзбекистон Республикаси Бosh прокуратураси ҳузуридаги Солиқ, валютага оид жиноятларга ва жиноий даромадларни легаллаштиришга қарши курашиш департаментининг Олмазор туман бўлими ходимлари томонидан ўтказилган

ган тезкор тадбирда ана шундай яширин тарзда фаолият юритувчи, енгил даромад йўлини топишга қизиққан ҳуқуқбузарнинг қилмишига чек қўйилди.

Фуқаро Сафар Туримов (исм-фамилиялар ўзгартирилган) дарҳол бойиб кетиш режасини тузди. Шу боис, сифатини кафолатловчи ҳужжатлари бўлмаган, хорижий давлатларда ишлаб чиқарилган, акциз марказиз спиртли ичимликларни номаълум кимсалардан сотиб олиб, фойда кўришни кўзлади ва 6 млн. сўмлик сифатсиз маҳсулотни қайта муомалага киритмоқчи бўлган пайтда фаолиятига чек қўйилди.

Алкоголли маҳсулотлар

давлат санитария-эпидемиология назорати маркази лабораториясида синовдан ўтказилганда истеъмолчиларнинг соғлиғи учун зарарли эканлиги аён бўлди ва Сафар Туримовга нисбатан тегишли чоралар кўрилди.

Яширин равишда ишлаб чиқариш фаолиятининг яна бир кўриниши — қўлбола усулда ёки маиший шариотда озиқ-овқат маҳсулотларида қайта ишлов бериб, бирор-бир ишлаб чиқарувчининг ёрлиғи остида муомалага киритиш бўлиб, ҳуқуқбузарларнинг бундай хатти-ҳаракатлари нафақат давлат манфаатларига зарар етказиши, балки кишилар саломатлигини хавф остига қўйиб, истеъмолчилар

ҳуқуқларининг камситилишига ҳам олиб келмоқда.

Фуқаро Акбар Мақсудов аҳолининг истеъмол маҳсулотларига талаби кун сайин ортиб бораётганини ҳисобга олиб, хуфийёна тарзда картошқадан "чилп" тайёрлайдиган яширин цехни ишга туширди. Шукрки, унинг қинғир иши узоққа чўзилмади. Департаментнинг Олмазор туман бўлими ходимлари томонидан ўтказилган тезкор тадбирда ҳуқуқбузарнинг ноқонуний хатти-ҳаракатларига чек қўйилди. Яширин цехдан тайёр ва ярим тайёр маҳсулотлар, уларни пиширишда ишлатиладиган қўлбола дастгоҳлар топилиб, ҳужжатлаштириб олинди. Давлат санитария-

**Фаррух ТОШПҲАТОВ,**  
Бosh прокуратура ҳузуридаги СВОЖДЛҚК департаменти  
Матбуот гуруҳи катта инспектори

эпидемиология назорати марказида лаборатория синовидан ўтказилган бу хомашёлар истеъмолчиларнинг ҳаёти ва соғлиғи хавфсизлиги талабларига жавоб бермаслиги аниқланди.

Суд томонидан А.Мақсудовга нисбатан тегишли жазо тайинланди.

Давлатимиз қонунлари тadbиркорликни, қўшимча даромад топишни таъқиқламайди. Аммо бундай фаолият давлат ва халқ манфаатларига зид бўлмаслиги керак.

## Ноқонуний фаолият оқибати

**Ҳалоллик, поклик ҳар қандай ишнинг муваффақиятини таъминлайди. Аммо, орамизда бундай хислатлардан узоқ бўлган кимсалар ҳам борки, бундайлар мавжуд қонунларга чап бериб, кўча-кўйла, турли жойларда хорижий валюта айирбошлаш орқали бойлик орттиришни ўзларига "касб" қилиб олганлар. СВОЖДЛҚК департаменти ходимлари томонидан валюта бозорини эркинлаштиришга қаратилган норматив ҳужжатлар ижросини таъминлаш, ушбу соҳадаги ҳуқуқбузарликларнинг олдини олиш ва ноқонуний хатти-ҳаракатларини фoш этиш борасида ўтказилаётган тезкор тадбирларда ана шундай қонунбузилиши ҳолатларини содир этаётган кимсаларнинг фаолиятига чек қўйилмоқда.**

Валютафурушлик ортдан бойлик орттиришни мақсад қилган Рўзвийов Исмаилов, Амирбек Равшанов ва Босимжон Дониёровлар (исм-фамилиялар ўзгартирилган) ўзаро жиноий тил бириктириб, фуқаро Моҳира Хўжаевага Зангиота туманида жойлашган "Бек Барака" савдо мажмуаси ҳудудида 17 минг 400 АҚШ

долларини 43 млн. 512 минг сўмга сотаётган вақтда департаментнинг Тошкент вилоят бошқармаси ходимлари томонидан ашёвий далиллар билан ушланиб, жиноятлари фoш этилди.

Кинғир йўл билан ноқонуний даромад орттиришни кўзлаб, эгри манзил сари отланган устамонларнинг фаолияти узоққа чўзилмади.

**Бахтиёр ИНОГАМОВ,**  
СВОЖДЛҚК департаментининг Тошкент  
вилоят бошқармаси бўлим бошлиғи

Халқимизда "Етти ўлчаб, бир кес", деган нақл бор. Ушбу нақлга амал қилмай, ўйламасдан қўйилган биргина қалтис қадам киши бошига оғир ташвишларни солиши мумкин. Шундан келиб чиқадиган бўлсақ, юқорида номлари қайд этилган кимсаларнинг қилмишлари охир-оқибат ўзларини қора курсига ўтиришга мажбур қилди. Суд қонунбузарларга нисбатан ўзининг одилона ҳукмини ўқиди.

Юқоридаги ҳолат ҳақда ҳуқуқ ва бурчини тўла ахламаган ёки аксинча қонунга зид фаолият билан шуғулланаётган инсонларга сабоқ бўлиши керак.

## Архивдаги товламачи

**Рашид АХМЕДОВ,**  
СВОЖДЛҚК департаментининг Жиззах вилоят  
бошқармаси бўлим бошлиғи

**Архив бўлимида архивариус бўлиб ишловчи Бекзод Яхшибоев товламачилик билан пул ишламоқчи бўлди. Аммо, бунинг улдасидан чиқолмади. Асли булунғурлик бу йигит Жиззах шаҳрида яшар, олий маълумотли бўлгани боис, уни мазкур вазифага лойиқ қўриб, ишга қабул қилинган эди. Лекин у нафсининг йўриғига юриб, ўз келажагига болта уриб бўлди.**

Қунларнинг бирида унинг ёнига "Қамолот" ёшлар ижтимоий ҳаракати Мирзачўл туман кенгаши раиси Э.Акрамов кенгашнинг икки йиллик ҳужжатларини архивга топшириш учун келди-ю, Б.Яхшибоев ушбу вазиятдан фойдаланиб қолмоқчи бўлди. У ҳужжатларни архивга қабул қилиш, тиклаш, жилд қоплаб бериш, аникроғи, ўзининг хизмат вазифаси доирасига кирадиган ишни бажариш эвазига раисдан 290 минг сўм беришни товламачилик билан талаб қилди. Иши тез битишини ўйламини, Э.Акрамов бу тақлифга рози бўлди. Унинг олдидан чиққач эса, бироз ўйлаиб туриб, архивариуснинг ушбу талаби қонунларга зид эканини тушунди ва тегишли жойга мурожаат қилди.

Б.Яхшибоев вилоят архиви биносидаги хизмат хонасида миҳоздан "қелишилган" пулни олаётган вақтда департаментнинг Жиззах вилоят бошқармаси ходимлари томонидан қўлга олинди. Товламачидан олинган пуллар ҳолислар иштирокида ашёвий далил сифатида ҳужжатлаштирилди.

Архивариус Б.Яхшибоевнинг қилмишига яраша суд томонидан қонуний жазо тайинланди. Унга кўра, бу кимсага ҳар ойлик иш ҳақининг 20 фоизини давлат фойдасига ушлаб қолган ҳолда 3 йил ахлоқ тузатиш ишлари жазоси тайинланди. Шу билан бирга, у 1 йил-у 6 ой муддатга барча архив бўлимларида ишлаш ҳуқуқидан ҳам маҳрум этилди.

## Тамагирнинг сўнгги манзили

**Малик БОБОЕВ,**  
СВОЖДЛҚК департаментининг  
Ширин шаҳар бўлими бошлиғи

Дарҳақиқат, порахўрлик, тамагирлик — хавфли иллат, жамият юзига тушган доғ. Жамиятимизда бу каби чиркин иллатларга қарши кескин кураш олиб борилаятгани барчага бирдек аён. Жиноятга эса жазо муқаррар. Нафс балосига йўлиқиб, тамагирликка ружу қўйганларнинг кирдикорлари фoш этилмоқда ва улар қилмишлари учун қонун олдида жавоб бермоқдалар.

Ширин шаҳар бosh архитектори бўлмиш Нозим Алибеков (исм-фамилиялар ўзгартирилган) ҳамда мутахассис вазифасида фаолият кўрсатган Аниса Ганиева эндигина ўттиз ёшни қаршилаган ёшлар. Ўттиз баҳор — умрнинг навқирон фасли. Куч-гайрати, билими бор бу ёшларнинг келажаги, яхши кунлари олдинда эди. Агар масъулиятни чуқур ҳис этиб, ҳалол ишлаганларида хизмат пиллаояларидан қўтарилишлари, мартабалари янада ошиши мумкин эди. Бироқ улар тамагирлик дардига мубтало бўлишди ва алал-оқибат шаънларига доғ туширишди.

Гап шундаки, Н.Алибеков А.Ганиева билан жиноий тил бириктириб, пора олиш ва тамагирлик жиноятини содир этган. У фуқаро С.Дилмуродовдан укасига аҳолига маиший хизмат кўрсатиш шохобчалари қуриш учун 3200 квадрат метр ер майдони ажратиб ва бу ҳақда ҳоким қарорини чиқартириб бериш эвазига 200 минг сўм пул талаб қилиб, тадбиркор С.Шерматовдан пора тариқасида олган.

Н.Алибековнинг жиноий хатти-ҳаракатлари шу билан тугамайди. У хизмат мавқеидан фойдаланиб, тадбиркор сифатида фаолият юритишни ният қилган Л.Самановнинг чўнтагига "тўр" ташлайди. Унга ҳам бўш ер майдонидан "Автошохбекат" ва маиший хизмат кўрсатиш шохобчаси қуриш учун 0,8 гектар ер майдони ажратиб бериш эвазига 1000 АҚШ доллари талаб қилади ва 460 минг сўм нақд пул, 60 минг сўмлик дори-дармонни шахсан ўзи, 200 АҚШ долларини эса хизмат хонасида А.Ганиева орқали, қолган 500 АҚШ долларини Л.Самановнинг амакисидан А.Ганиева воситачилигида олаётган пайтда, ҳуқуқни муҳофаза қилувчи органлар ходимлари томонидан ушланиб, унинг жиноий фoш қилинди.

Нафсига эрк бериб, ноқонуний йўл билан бойлик орттириш мақсадида мансаб ваколатини суистеъмол қилган Н.Алибеков ҳамда унинг жиноий шериги А.Ганиевага суд томонидан тегишли жазо тайинланди.

## Умри қисқа бизнес

**Бахтиёр НОРМУМИНОВ,**  
СВОЖДЛҚК департаментининг Яққасарой  
туман бўлими бошлиғи

Хусусан, иқтисодиётимизга ўзининг салбий таъсирини кўрсатаётган хорижий валюта билан боғлиқ ноқонуний олди-сотдиларга департамент томонидан ўтказилаётган тадбирларда барҳам берилмоқда. "Қора бозор" да ноқонуний муомалага киритилаётган чет эл валютасининг манбалари аниқланиб, бу фаолият билан шуғулланаётган кимсаларнинг қилмишлари фoш этилаётган.

Чунончи, ўтказилган тадбирларнинг бирида фуқаролар Акбар Ғиёсов, Расул Салимов ва Абдулла Раимов (исм-фамилиялар ўзгартирилган)ларнинг ноқонуний фаолиятларига чек қўйилди. Пойтахтимиздаги кафеларнинг бирида валюта олди-сотдиси билан шуғулланувчи валютафурушлар фуқаро Динара Илясовага 14 минг 200 АҚШ долларини 41 млн. 900 минг сўмга сотаётган вақтда СВОЖДЛҚК департаментининг Яққасарой туман бўлими ходимлари томонидан ушландилар.

Валютафурушларнинг қилмишларига жиноят ишлари бўйича Яққасарой туман суди ҳуқуқий баҳо бериб, ҳукм чиқарди. Унга кўра, А.Ғиёсов, Р.Салимов ва А.Раимовлар энг кам ойлик иш ҳақининг юз баробари миқдорда жазима тўлайдиган бўлишди. Уларга тегишли 14 минг 200 АҚШ доллари эса давлат ҳисобига ўтказилди.



# Тадбиркорликни қўллаб-қувватлашга оид қонунчилик ижросини таъминлаш

**Мустақиллик туфайли тадбиркорликка кенг йўл очилиб, соҳани янада ривожлантириш, кенг шарт-шароитлар яратиш ва ҳуқуқий жиҳатдан мустақкам ҳимоя қилишга қаратилган ислохотлар иқтисодий ўсишнинг муҳим кафолати бўлмоқда.**

Ўзбекистон Президентининг Ислоҳ Каримовнинг мамлакатимизни 2014 йилда ижтимоий-иқтисодий ривожлантириш аянлари ва 2015 йилга мўлжалланган иқтисодий дастурнинг энг муҳим устувор йўналишларига бағишланган Вазирлар Маҳкамасининг мажлисидаги маърузасида хусусий мулк ва хусусий тадбиркорликни янада ривожлантириш мақсадида бу соҳага тўлиқ эркинлик бериш, бу йўлда гўв бўлиб турган барча тўсиқ ва чековларни бартараф этиш энг муҳим устувор вазифа эканлиги яна бир бор таъкидланди.

Тадбиркорлик субъектларининг ҳуқуқ ва қонуний манфаатлари ҳимоясини самарали таъминлаш прокуратура органлари назорат фаолиятининг муҳим вазифаларидан биридир. Шу билан бирга, бу бо-

рада ҳуқуқни муҳофаза қилувчи, назорат органлари ва масъул идоралар фаолиятини мувофиқлаштиришга, мазкур соҳадаги қонунчиликнинг аниқ ва сўзсиз ижросини таъминлашга алоҳида аҳамият берилмоқда.

Бош прокуратура томонидан ташкил этилган "Тадбиркорликни қўллаб-қувватлашга оид қонунчилик ижросини таъминлаш масалалари" мавзусидаги видеоконференция ҳам мамлакатимизда ижтимоий-иқтисодий сиёсатни амалга оширишда тадбиркорликнинг роли ва аҳамияти, кичик бизнес ва хусусий тадбиркорликни ривожлантириш борасида амалга оширилаётган ислохотлар ҳамда тадбиркорликка оид қонунлар ижросини таъминлаш, тадбиркорлик фаолияти субъектларининг ҳуқуқ ва қонуний манфаатларини

ҳимоя қилиш механизmlарини янада такомиллаштириш масалаларига бағишланди.

Тадбирда Бош прокуратуранинг Олий ўқув курслари профессор-ўқитувчилари, тингловчилари, Олий ҳўжалик суди, Адлия вазирлиги, Давлат солиқ, божхона, ва Ер ресурслари, геодезия, картография ва давлат кадастри давлат кўмиталари, Марказий банк, Савдо-саноат палатаси, кичик бизнес ва хусусий тадбиркорлик субъектлари, Ахборот технологиялари ва коммуникацияларини ривожлантириш вазирлигининг "UZINFOCOM" маркази ходимлари ва кичик бизнес ва хусусий тадбиркорлик субъектлари экспортни қўллаб-қувватлаш жамғармаси вакиллари ҳамда оммавий ахборот воситалари ходимлари иштирок этишди.

Видеоконференцияда Қорақалпоғистон Республикаси, Тошкент шаҳар ва вилоятлардаги тадбиркорлар, Савдо-саноат палатаси, банк, солиқ, божхона, адлия бошқармалари, ҳўжалик суди ҳамда

прокуратура ходимларидан беш юз нафарга яқин иштирокчи қатнашиб, улар бевосита масофали тарзда мазкур мавзу доирасида фикр алмашиш имкониятига эга бўлдилар.

Видеоконференцияда мамлакатимиз ижтимоий-иқтисодий салоҳиятини юксалтириш ҳамда ривожлантиришда кичик бизнес ва хусусий тадбиркорликни қўллаб-қувватлаш қанчаллик даражада муҳим аҳамият касб этиши ҳақида атрофлича тўхталиб ўтилди. Шунингдек, мазкур соҳадаги қонунчилик базасини доимий равишда мониторинг қилиб бориш ва уни бугунги кундаги реал иқтисодий секторлардаги ҳолатлардан келиб чиққан ҳолда такомиллаштириш ҳам тадбиркорлик фаолиятини қўллаб-қувватлашнинг асосий омилларидан бири сифатида эътироф этилди.

Шу билан биргаликда, тадбиркорлик фаолиятини қўллаб-қувватлашда банклар томонидан ҳўжалик юритувчи субъектларга нисбатан имтиёзлик ва кам фоизли кредит-

**Адҳам ОДИНАЕВ,**  
Бош прокуратуранинг  
ОЎҚ кафедраси бошлиғи  
вазифасини бажарувчи

лар ажратилаётганлиги, шунингдек, йилдан-йилга солиқ ставкалари камайтириб борилаётганлиги ҳамда жадал сўратлар билан ривожланиб бораётган ахборот-коммуникация технологиялари соҳасида тадбиркорларга етарлича қулайликлар яратиш мақсадида турли хил интерактив хизматлар жорий этилаётганлиги алоҳида таъкидлаб ўтилди.

Видеоконференцияда қатнашган ҳар бир иштирокчи мазкур тадбир натижасида ўзининг фаолияти учун зарур бўлган маълумот ва хулосаларга эга бўлди. Кун тартибдаги долзарб масалалар ҳамда мавжуд муаммоларни ечишга қаратилган таклиф ва тавсиялар эса тадбиркорлик фаолиятини қўллаб-қувватлашда ижобий натижаларга эришишга хизмат қилади.

## Қонун лойиҳаси муҳокама қилинди

**Ўзбекистон Республикаси Олий суди пленумининг навбатаги мажлиси бўлиб ўтди. Унда Олий суд судьялари, Олий суд ҳўзурдаги Илмий-маслаҳат кенгаши аъзолари, Суд қонунчилигини демократлаштириш ва либераллаштириш ҳамда суд тизими мустақилигини таъминлаш бўйича талқинот маркази ходимлари, ҳуқуқшунос олимлар, оммавий ахборот воситалари вакиллари иштирок этишди.**

Мажлисда мамлакатимизда миллий қонунчилик асослари инсон манфаатларига мос тарзда такомиллашиб бораётгани таъкидланди. Замон талабидан келиб чиқиб қонунчиликнинг сифати ва таъсирчанлигини оширишга оид изчил чора-тадбирлар амалга оширилмоқда.

Бу жараёнда Олий суд томонидан Ўзбекистон Республикаси Конституциясининг 83-моддасига мувофиқ қонунчилик ташаббуси ҳуқуқидан фойдаланган ҳолда суд-ҳуқуқ тизимини, соҳага оид қонунчиликни такомиллаштиришга доир қатор қонун лойиҳалари тайёрланмоқда ва тегишли тартибда парламент муҳокамасига киритилмоқда.

Мажлисда "Ўзбекистон Республикасининг Фуқаролик-процессуал кодексига ўзгартиш ва қўшимчалар киритиш тўғрисида"ги Қонун лойиҳаси муҳокама этилди.

Маълумки, судлар фаолиятига замонавий ахборот-коммуникация технологияларининг кенг жорий этилаётгани аҳоли ва тадбиркорлик субъектларига интерактив хизмат кўрсатиш қўламини кенгайтириш билан бирга судларда иш юритиш самардорлигини ҳам ошираётди. Бунда давлатимиз раҳбарининг 2012 йил 2 августдаги "Суд тизими ходимларини ижтимоий муҳофаза қилишни тубдан яхшилаш чора-тадбирлари тўғрисида"ги Фармони ҳамда Вазирлар Маҳкамасининг судлар фаолиятига замонавий ахборот-коммуникация технологияларини жорий этиш, судларнинг моддий-техника базасини мустаҳкамлашга оид қарорлари муҳим дастуриламал бўлди.

Фуқаролик ишлари бўйича Заңгиота туманлараро судида замонавий ахборот-коммуникация технологияларидан фойдаланган ҳолда "E-Sud" тажрибавий лойиҳаси йўлга қўйилди, унда электрон шаклда судга мурожаат қилиш ва қарор нусхалари, суд қақурув қозғалари ва бошқа ҳужжатларни электрон шаклда юбориш имкониятини муваффақиятли синовдан ўтди.

Аммо амалдаги фуқаролик процессуал қонунчилигида судлар фаолиятида замонавий электрон воситалардан фойдаланишга оид нормалар мавжуд эмас. Шундан келиб чиқиб электрон шаклда судларга мурожаат қилиш ва иш юритиш тартибини жорий этиш бўйича "Ўзбекистон Республикасининг Фуқаролик-процессуал кодексига ўзгартиш ва қўшимчалар киритиш тўғрисида"ги Қонун лойиҳаси ишлаб чиқилди. Унда Ўзбекистон Республикаси Фуқаролик-процессуал кодексининг айрим моддаларига фуқаролик ишлари бўйича судга электрон шаклда мурожаат қилиш имкони ҳамда суд қақурув қозғалари, суд қарорлари ва бошқа ҳужжатларни электрон шаклда юборишни назарда тутувчи ўзгартиш ва қўшимчалар киритиш таклиф этилмоқда.

Шунингдек, пленум ййгилишида судларга электрон тарзда мурожаат қилиш тартиби жорий этилаётганлиги муносабати билан ҳамда фуқаролик суд иш юритувини янада такомиллаштириш, суд чиқимларини камайитириш, судни ўзига хос бўлмаган функциялардан халос этиш мақсадида Ўзбекистон Республикаси Фуқаролик-процессуал кодексининг айрим моддаларига ўзгартиш ва қўшимчалар киритиш ҳам мақсадида мувофиқлиги таъкидланди. Жумладан, кодексга киритилиши таклиф этилаётган ўзгартиш ва қўшимчаларда жавобгарларнинг сонига қараб ариза ва унга илова қилинадиган ҳужжатларнинг нусхаларини судга юборишни бекор қилиш, шу билан бирга, суднинг ушбу ҳужжатларни тарафларга қайта юбориш функцияларини чиқариб ташлаш, давьогарга судга ариза ва аризага илова қилинган ҳужжатларнинг нусхаларини бошқа томонга юбориш (топшириш) ҳамда буни тасдиқловчи далилларни судга тақдим этиш мажбуриятини юқлаш кўзда тутилмоқда.

Мажлисда Фуқаролик-процессуал кодексига мазкур ўзгартиш ва қўшимчаларнинг киритилиши судлар фаолиятига замонавий ахборот-коммуникация технологияларини жорий этиш, суд иш юритувини янада демократлаштириш ва такомиллаштиришга хизмат қилиши қайд этилди. Ўз навбатида бу процесс иштирокчилари ҳаражатлари ва суд чиқимларини камайитиришга, фуқароларнинг ҳуқуқ ва эркинликларини самарали ҳимоялашга замин яратиши.

Ййгилишида мазкур қонун лойиҳасини Олий Мажлис Қонунчилик палатаси муҳокамасига киритиш юзасидан қарор қабул қилинди.

**Бугунги кунда гиёҳвандликка қарши курашни бўйича ташкил этилаётган узлуксиз чора-тадбирларга қарамай, бу иллат инсон салооматини ва ҳўёти, жамият ривожига салбий таъсир этаётган долзарб масалалардан бири бўлиб қолмоқда. Айниқса, ёшлар орасида гиёҳвандлик воситаларининг турли хиллари истьёмол қилинаётганлиги оммани янада огоҳлик ва ҳўёриликка чораэтир.**

## Истиқболдаги вазифалар белгиланди

Мамлакатимизда ҳуқуқни муҳофаза қилувчи органлар, тиббиёт ва таълим муассасалари ҳамкорлигида ушбу глобал муаммолар тарқалишининг олдини олиш, ёшларни бундай иллатлардан муҳофазалаш мақсадида кенг қўламли ишлар амалга оширилаётди.

Ўзбекистон Республикаси Олий ва ўрта махсус таълим вазирлигида "Гиёҳвандлик воситалари истьёмолчининг инсон салооматига ва жамиятга салбий таъсири" мавзусида ўтказилган видеоконференцияда ана шу йўналишдаги ишлар муҳокама этилиб, истиқболдаги вазифалар белгиланб олинди.

Ўзбекистон Республикаси Бош прокуратураси, Адлия вазирлиги, Олий суд, Халқ таълими, Ички ишлар, Соғлиқни сақлаш вазирликлари, Ўрта махсус, касб-ҳўнар таълими маркази ҳамда бошқа манфаатдор идоралар ҳамкорлигида ташкил этилган тадбирда мамлакатимиз ҳудудларидаги 25 та видеостудия орқали олий ўқув юртли раҳбарлари, уларнинг маънавий-маърифий соҳага масъул ходимлари, профессор-ўқитувчилар, мактаб, академик лицей ва коллежлар раҳбарлари, ҳуқуқни муҳофаза қилувчи органлар ҳамда Соғлиқни сақлаш вазирлиги ҳўзурдаги суд тиббий-экспертиза бosh бюроси вакиллари иштирок этиди.

Тадбирда Президентимиз раҳнамоллигида ёшларни ҳар томонлама қўллаб-қувватлаш, уларнинг интеллектуал салоҳиятини юксалтириш ҳамда ижтимоий фаоллигини янада ошириш бўйича кенг қўламли ишлар амалга оширилаётгани алоҳида таъкидланди.

Мамлакатимизда гиёҳвандлик ва бошқа салбий иллатларнинг жамиятимизда илдиз отишининг олдини олиш ва бундай муаммоларга қарши курашининг самарали тизими яратилган. Ёшларнинг ушбу глобал муаммоларга қарши маънавий иммунитетини кучайтириш, маънавий дунёқарашини юксалтириш, жаҳолатга қарши маърифат руҳида тарбиялаш таълим-тарбия ишларининг узвий қисмини ташкил этади.

Таълим муассасаларида бу борадаги чора-тадбирларни амалга ошириш учун барча имкониятлар яратилган. Таълим ва ишлаб чиқариш муассасалари ўртасида йўлга қўйилган доимий алоқалар битирувчиларнинг бандлигини таъминлаш, ёшлар ўртасида тадбиркорликни ривожлантиришга хизмат қилаётди.

Видеоконференцияда гиёҳвандлик муаммоси, синтетик гиёҳванд воситаларнинг инсон салооматига ва жамиятга салбий таъсири, бундай иллатларга қарши курашининг ҳуқуқий асослари ҳақида маърузалар тингланди. Бу борада давлат, жамоат, таълим муассасалари ҳамкорлигини янада ривожлантириш хусусида фикрлашилди.

Ўз муҳбиримиз



Ўша куни спиртли ичимлик таъсирида маст бўлган қишлоқдоши фуқаро Салим Жўраев билан йўловчи сифатида бир машинага чиққан Бибисаида Ваҳобова "Талимаржон-Қарши" йўналиши бўйлаб ҳаракатланаётган "Дамас"нинг орқа ўриндиғига ўтириб, йўлга отланганида бундай бўлишини сира кутмаган эди. Нима бўлди-ю, С.Жўраев у билан жой таллашиб, жанжаллашиб қолади.

## Мастлик оқибати

Камолитдин ШЕРНАЗАРОВ,  
Нишон туман прокуратураси терговчиси

Маст одамнинг ўзини бошқара олмаслиги туфайли рўй берган тортишув тезда ҳақоратларга ва иншон қадр-қимматини камситувчи, оғизга олиб бўлмайдиган сўзларга улашиб кетди. Натижада машинада кетаётган бошқа йўловчилар безовталаниб, уларнинг тинчи бузилди. Салим ёғдираётган ҳақоратлар уларни ҳам хижолат қилди, жамоат жойида ўзини тутма олмаслиги бировни ранжитиб, бировни афсуслантирди.

Машина ичида жой таллашиб, жанжал кўтарган Салим Жўраев Нишон туманидаги мактаблардан бирида ўқитувчи бўлиб ишлайди. Шу туманда туғилиб-ўсган, оилали, 2 нафар фарзанднинг отаси бўлмиш С.Жўраевнинг маст ҳолатда кўчада юриши, машинада жанжал кўтариши-ю, йўловчилар олдида ўқитувчи деган улуғ номга доғ тушириши таниш-нотанишларни қаттиқ ранжитди.


Ёзининг жазирама куни, авжи туш палласи ичилган спиртли ичимлик Салимга ёмон таъсир кўрсатди. Бисотидаги ахлоқсизлик ва дилдорликка доир бор сўзларини айтиб, қишлоқдоши Бибисаиданинг шаънига ҳақорат ёғдириши етмаганидек, тўсатдан унга ташланди. Оёқ-қўлларини ишга солиб, дўппослай бошлади. Қишлоқдошининг аёл киши эканлиги, ўзини ҳимоя қила олмаслигини фойдаланиб, уриб, оёқлари билан тепкилай кетди. Натижада Бибисаида тан жароҳати олиб, шифохонада даволанишга мажбур бўлди.

Қилгиликни қилиб қўйган Салим Жўраевнинг ақлу хоши суриштирув ва терговлар жараёнида жойига келди. Бегуноҳ бир инсонга етказган моддий зарари учун 300 минг сўм жарима тўлади. Ва ундан кеҳирим сўради.

Жиноят ишлари бўйича Нишон туман суди ушбу ишни кўриб чиқиб, унга нисбатан олийк иш ҳақининг 15 фоизини давлат даромади ҳисобига ушлаб қолган ҳолда, 1 йил муддатга ахлоқ тузатиш жазоси тайинлади.

Юқоридаги ҳолатдан хулоса қиладиган бўлсак, аксарият ҳолларда ичкиликбозлик пировард натижада жиноятга етаклайди. Яна бир жиҳат, баъзи кишилар жабрланувчига ёрдам бериш ўрнига томошабин бўлиб турадилар. Мазкур воқеада ҳам автомашинадаги бошқа одамлар жим турмай, С.Жўраевга танбех беришганида, балки у тийилар-миди? Афсуски, ундай бўлмади.

Нима бўлганда ҳам, жамиятимизнинг маънавий-ахлоқий меъёрларига хос бўлмаган бундай иллатлардан, хусусан, безорилик, беҳаёлик, ахлоқсизлик, ичкиликбозлик каби иллатлардан қутулиш, уларга қарши курашиш нафақат ҳуқуқ-тартибот органлари ходимларининг, балки ҳар биримизнинг одампийлик бурчимиз эканлигини унутмаслигимиз керак.



# Кредит ортидаги йўллар

Ифтихор НУРМАТОВ,  
Тошкент шаҳар прокуратураси бўлим бошлиғи уринбосари

Мамлакатимизда тадбиркорлик субъектларини қўллаб-қувватлаш, уларнинг эркин фаолият юритишлари учун имконият яратиш борасида кенг қамровли чора-тадбирлар амалга оширилмоқда. Бунинг самарасини ўзларининг ҳалол меҳнатлари билан эл-юрт фаровонлигига ҳисса қўшаётган тадбиркорлар сафининг кенгайиб бораётганида ҳам кўришимиз мумкин. Афсуски, яратилган имкониятлар, берилаётган имтиёزلардан фараз мақсалларга фойдаланишга, ноқонуний йўллар билан мўмай пул топишга уринаётган ва охири-оқибат суднинг қора курсисидан жой топиётган кимсалар ҳам учраб турибди.

2006 йилнинг май ойидан "Tasviriy oyina" ижодий уюшмасининг Тошкент вилоят бўлими раиси лавозимида ишлаб келган Акрам Мамарасуловни кўпчилик ундабурон ва ташаббускор раҳбар сифатида билар эди. Шунданми, у бизнесда омадини синаб кўришга қарор қилганида ҳеч ким ажабланмади. Дастлаб "Unig" маъсулияти чекланган жамиятини таъсис этиб, банкдан 600 млн. сўм кредит олишга эришган А.Мамарасулов тез орада яна бир корхона — "Unig servis" МЧЖни таъсис этади. Орадан кўп ўтмай, "Kristal design", "Mukammallik sari", "Universal design servis", "Sayram savdo servis", "Olmos favvora", "Maxi kronen trans" МЧЖларнинг ҳам норасмий раҳбарига айланади.

А.Мамарасуловнинг бевосита ва норасмий раҳбарлигидаги ҳўжалик юритувчи субъектлар фаолиятига эътибор берилса, ушбу корхоналар қандай жарангдор ном берилгани ёки асосий фаолият туридан қатъи назар, фақат банклардан кредит олиш учунгина ташкил этилгандай таассурот қолдиради. Сабаби, 3-4 йил ичида ушбу МЧЖлар томонидан турли тижорат банкларидан миллиардлаб сўм кредитлар олинган. Жумладан, "Unig" МЧЖга 600 млн. сўм, "Unig servis" МЧЖга 4 млрд. сўм, "Universal design servis" МЧЖга 200 млн. сўм, "Maxi kronen trans" МЧЖга 1 млрд. 950 млн. сўм, "Mukammallik sari" МЧЖга 970 млн. сўм, "Sayram savdo servis" МЧЖга 3 млрд. сўм миқдоридан кредит маблағлари олинган. Бир қарашда ушбу жараёнда ҳеч бир ноқонуний жиҳат йўқдай. Яъни банклар тадбиркорлик субъектларининг яқин ҳамқори, банк кредитлари эса тадбиркорга мададкор. Бироқ...

Авал бошданок сохта тадбиркорликни мақсад қилган А.Мамарасулов ўз атрофига "ишонса бўлади" ҳамтовоклар йиға бошлайди. Юқорида санаб ўтилган МЧЖларда раҳбар ва бош ҳисобчи бўлиб ишлаган Д.Баҳрамов, О.Ҳамидов, Б.Бегманов, Х.Заиров, И.Исхақов, Б.Бекзаков, Ф.Назаров, М.Зокиров, М.Исраилов, К.Цой, шунингдек, "In media" МЧЖ шаклидаги қўшма корхона раҳбари Ф.Ражабов, "Халқ банки"нинг Тошкент вилоят филиали амалиёт бўлими бошқарувчиси З.Атоев, кредит бўлими бошлиғи С.Ражабов, мазкур банк ҳисобчиси Ф.Буронов ва тергов давомида шахсини аниқлашнинг имкони бўлмаган "Асад", "Равшан" исмли шахслардан иборат уюшган гуруҳ ташкил этади.

Уюшган гуруҳ аъзолари вазифалар тақсироти ва жиноий режага мувофиқ иш олиб боришади. Улар ўзгалар мулкани талон-торож қилиш, ўзлаштириш каби иқтисо-

диёт соҳасидаги жиноятлар, сохта тадбиркорлик, солиқ ва бошқа мажбурий тўловлардан бўйин товлаш каби иқтисодиёт асосларига қарши жиноятлар, савдо ва хизмат кўрсатиш қондаларини бузиш, савдо ва воситачилик фаолияти билан қонунга хилоф равишда шўғулланиш, лицензиясиз фаолият каби ҳўжалик соҳасидаги, шунингдек, мансаб сохтакорлиги, ҳўжатлар, штамплар, муҳр ва бланкаларни қалбақлаштириш каби жиноятларга қўл уришади.

Агар пухта режа асосида иш юритилса, банклардан олинган кредитларни нақдлаштириш мўмай пул топишнинг энг осон йўли эканига ҳамтовокларини ишонтира олган А.Мамарасулов уюшган гуруҳнинг фаолиятига раҳбарлик қиладди. Шунингдек, юқорида айтиб ўтганимиздек, сохта тадбиркорлик фаолиятини олиб бориш учун ҳўжалик юритувчи субъектлар ташкил этиш, уларга "ишончи" раҳбар ва бош ҳисобчиларни тайинлаш, сохта ҳўжатлар тақдим этиш орқали банклардан кредит олиш ва уларни нақдлаштириш учун бошқа ҳўжалик юритувчи субъектлар билан шартномалар тузиш, товар-моддий бойликларни нақд пулга сотиб юбориш, бухгалтерия ҳисоботларига сохта маълумотлар киритиш, солиқ ва бошқа органларга қалбаки ҳўжатлар тақдим этиш, шу йўл билан жиноят ишларини яшириш каби вазифаларни зиммасига олади. Айтмоқчи, жиноий даромадларни уюшган гуруҳ аъзолари ўртасида тақсимлаш ҳам унинг ихтиёрида эди.

Мазкур уюшган гуруҳнинг барча қилмишлари ва уларнинг оқибатларига тўхталиб ўтирмай, улар томонидан 4 млрд. сўмлик кредит маблағининг қандай ўзлаштирилиши билан қиёфоланамиз. Шунинг ўзи ҳам уларнинг қинғир ишлари ҳақида етарлича маълумот берса керак.

2009 йилнинг бошларида А.Мамарасулов уюшган гуруҳ фаолларини ўз офисига қақриб, муҳим бир масалани ўртага ташлайди. — Утган сафар маслаҳатлашганимиздай, банкдан кредитни "Unig servis" номига оламиз. Шунга тайёрларлик кўринлар, — дейди йилганларга А.Мамарасулов. — Кредит миқдори 4 млрд. сўмдан кам бўлмаслиги керак.

Шундан кейин банкга топширилган ҳўжатлар, гаровга қўйилган мол-мулк, бизнес режа ҳақида келишиб олинади.

Кредит олиш учун ҳўжат тайёрлаш борасида уюшган гуруҳнинг тажрибаси катта эмасми, қисқа муддатда барчаси тахта қилинади. 2009 йилнинг 2 мартда "Ўзсаноатқурилиш-банк"га қронен қопқоқ ишлаб чиқариш ускунасини сотиб олиш учун 5 йил муддатга, йиллик 10 фоиз ус-

тама ҳақ эвазига 4 млрд. сўм кредит ажратиш ҳақида ариза билан мурожаат қилишади. Ходимлар ва ускуналарни жойлаштириш учун бино ва тургун ишлаб чиқариш цехи мавжуд бўлмаса-да, аризага бизнес режа ва бошқа сохта ҳўжатлар илова қилинади. Жиноий режа иш беради. 2009 йилнинг 23 апрелида банк билан "Unig servis" МЧЖ ўртасида кредит шартномаси тузилиб, 4 млрд. сўмни ўзларига қарашли "Maxi kronen trans" МЧЖнинг ҳисоб рақамига ўтказиб олишга эришадилар. Улар Италиянинг "Sasmi Kooperativa Messaniga imola S.C." номли фирмасига тегишли қронен қопқоқ ишлаб чиқариш ускунаси 4 млрд. сўмга сотиб олинган ҳақидаги сохта ҳисоб-фактурани банкга тақдим қилишади. Аслида эса мазкур ускунанинг нархи 2 млрд. 689 млн. 550 минг сўмни ташкил этган.

Юқорида уюшган гуруҳ аъзоларига тегишли МЧЖлар томонидан банклардан олинган кредитлар ҳақида айтиб ўтган эдик. Мазкур пуллар ноқонуний ўзлаштириб юборилгани боис, уларнинг изини ёпиш, кредитни қайтариш учун "Unig servis" миллиардлари"нинг маълум қисмини ишга солишади. Шу йўл билан бошқа корхона-ташкilotлардан молиявий ёрдам учун олинган қарзлар ҳам тўланади.

Бундан кейинги олди-бердилар эса бундан-да галати. Уюшган гуруҳ аъзолари "Unig servis" МЧЖ номига олинган кредитдан ўзларига тегишли МЧЖлар ҳисоб рақамларига сохта шартномалар асосида пул кўчиришга киришиб кетишади.

А.Мамарасулов ўзининг раҳбарлигидаги ташкилот — "Tasviriy oyina" ижодий уюшмасининг Тошкент вилоят бўлимини ҳам унутмайди. "Unig servis" миллиардлари"дан ташкилот ҳисобига 66 млн. сўм ўтказиб, 24 млн. сўмни ташкилотнинг 2008 йилда банкдан олган кредитини ёпишга, қолганини солиқ ва суғурта компаниясидаги қарзларини тўлашга сарфлаб юборади.

Ана шундай қуларнинг бирида А.Мамарасулов ҳамтовокларига "Равшан" исмли шахсни таништирар экан, энди пуллар у орқали нақдлаштирилишини маълум қиладди. Шундан кейин турли ҳўжалик юритувчи корхоналарга 80 фоиз нақдлаштириб бериш эвазига пул кўчиришга киришилади ва товарсиз нақдлаштирилган 1 млрд. 650 млн. сўм пул гуруҳ аъзолари ўртасида тақсимланиб, ўзлаштирилади.

Бунга қаноат қилмаган гуруҳ аъзолари турли ҳўжалик юритувчи субъектлардан пул кўчириш йўли билан сотиб олинган салкам 770 млн. сўмлик товарларни пойтхатимиз бозорларида нақд пулга сотиб юборишади.

Умумлаштириб айтадиган бўлсак, 2009-2012 йиллар оралиғида уюшган гуруҳ томонидан ҳўфиёна иқтисодий фаолият натижасида давлат ва жамият манфаатларига салкам 11 млрд. сўм зарар етказилади. Дастлабки тергов жараёнида етказилган зарарнинг тўлиқ ундирилиши таъминланди.

Ҳеч бир жиноят жазосиз қолмайди. Уюшган гуруҳ аъзоларининг ҳар бири суд ҳукми билан тегишли жазосини олди.



## Хитой раиси қиролича билан учрашади

Хитой Халқ Республикаси раиси Си Цзиньпин қиролича Елизавета II нинг Буюк Британияга ташриф буюриш ҳақидаги таклифини қабул қилади. Бу таклиф қироличанинг Пекинга келган набираси шаҳзода Уильям томонидан Си Цзиньпинга етказилган.

"Мен жорий йилда қироличанинг таклифига биноан Буюк Британияга ташриф буюришга умид қиламан. Буюк Британия қиролик уйи ўз юртида ва бутун дунёда катта нуфузга эга, унинг вакиллари кўп йиллар давомида хитой-инглиз муносабатларини ардоқлаб, қўллаб-қувватлаб келишмоқда", деди Си Цзиньпин.

Учрашув чоғида шаҳзода Уильям Хитой билан Буюк Британия ўртасидаги муносабатлар кўп йиллик тарихга эга эканлигини таъкидлаб ўтди.

Хитой раисининг Лондонга ташрифи саналари кейинроқ белгиланиши маълум қилинди.



## Грецияга 50 млрд. евро ёрдам

Хорж оммавий ахборот воситаларининг хабар беришича, Еврозоона давлатлари Грецияга учинчи марта молиявий ёрдам пакетини тақдим қилишни режалаштиришмоқда. Шунингдек, унда айтилишича, Грецияга 30 млрд. евродан 50 млрд. еврогача бўлган миқдорда ёрдам маблағи ажратилиши мумкин. Мазкур ёрдамнинг 13-14 фоизи Испания ҳисобидан берилиши кўзга тутилган.

"Греция учун Европа ҳамжамияти билан бирдамликда яшашдан кўра яхшироқ вариант мавжуд эмас. Умид қиламизки, расмий Афина Еврохудудни тарк этишга қарор қилмайди", деди испанлар.

## Уч нафар британиялик ҳибсга олинди

Дубайда Буюк Британия фуқарolari бўлган уч нафар сайёҳ ҳибсга олинди. Улар айни вақтда Дубай шаҳридаги қамқонхонада сақланмоқда. Фужайра аэропорти яқинида турист, самолётни суратга олишгани учун ҳибсга олинган ушбу шахслар БАА миллий хавфсизлигига таҳдид қилганлига айбланмоқда.

Маълум қилинишича, 53 ёшли Конрад Клитерой, 45 ёшли Гари Купер ҳамда унинг ҳамроҳи Нил Мурно ҳибсда сақланмоқда.

Конрад Клитеройнинг рафикаси турмуш ўртоғининг юраги хаста эканини, у 20 нафардан ортиқ маҳбуслар билан бир хонада туришига узок вақт дош бера олмаслиги мумкинлигини айтган.

Маълумот учун, БАА қонунларига кўра, маҳбуслар билан учрашиш учун 30 минг АҚШ доллари тўлаш талаб қилинади.




## Зилзила оқибатида йигирма киши жабрланди

Хитойнинг жануби-ғарбий қисмида жойлашган Юньнань вилоятида содир бўлган 5,5 магнитудали зилзила оқибатида 20 киши жабрланди. Бу ҳақда Хитой марказий телевидениеси хабар берди.

Жабрланувчилар шифохонага ётқизилган, уларнинг ҳаёти хавф остида эмас. Зилзиланинг маркази Мьянма билан чегарадош ҳудудда бўлган. Ҳукумат табиий офатдан талофат кўрган фуқароларга мингдан ортиқ чодир ва 2 мингдан ортиқ ёпинғич жўнатган.

Юньнань вилояти Хитойнинг сейсмик фаоллиги юқори бўлган ҳудудларидан бири ҳисобланади. Бу ерда охириги йирик зилзила 2014 йилнинг августида содир бўлган. Ушанда 600 дан ортиқ одам зилзила оқибатида қурбон бўлган эди.



## Қидирув давом этиши мумкин

Ўтган йилнинг декабрь ойи охирида авиаҳалокатга учраган "Air Asia Indonesia" самолёти бортида бўлган йўловчиларнинг жасадаларини излаш бўйича ишлар давом эттирилиши мумкин. Бу ҳақда Индонезия миллий қутқарув бошқармаси бошлиги Хенри Бамбанга Сулисто баёнот берган.

"Қидирув олиб бориш бўйича операция ишларининг тақдири ҳалокат вақтида вафот этганларнинг яқинлари билан учрашувдан кейин маълум бўлади. Улар топилмаган яқинларининг жасадаларини излашни сўрашмоқда", деди қутқарувчилар бошқармаси бошлиги.

Олдинроқ Б.Сулисто Ява денгизида самолётнинг сўнгги парчаси топилгани ва қутқарувчиларнинг икки ҳафта давомида бошқа жасадаларни топа олишгани сабабли қидирув ишлари тугатилиши борасида баёнот берганди.

Эслатиб ўтамиз, "Air Asia Indonesia" лайнери 2014 йилнинг 28 декабрида Индонезиянинг Сурабая шаҳридан Сингапурга парвоз қилган ва бир соатдан кейин ҳалокатга учраган. Самолёт бортида 162 нафар одам бўлиб, уларнинг барчаси ҳалок бўлган. Олиб борилган дастлабки қидирув ишларида 103 нафар одамнинг жасадалари денгиздан топилган эди.



## Скрипка чала оладиган робот

Скрипка чалиш нафақат робот, балки инсон учун ҳам мураккаб машғулот ҳисобланади. Хайратланарлиси, Америка миллий саломатлик институтининг собиқ муҳандиси Сет Гольдштейн уйда оддий скрипкани яхшигина чала оладиган роботни яратди. Иختирочи уни "Ro-Bow" ("RObot" ва "BOW" — "таёқча", "камалак") деб атади. Бу робот скрипкани маромига етказиб чала олади. "Ro-Bow" мазкур мусиқа асбобини айрим одамлардан кўра яхшироқ чалмоқда экан. Хаваскорларнинг эса унга тенглашиши амримаҳол. Роботлар оламида "Ro-Bow"га рақобатчи бўла оладигани ҳали-бери топилмас керак.

## Футбол меҳмонхонаси

Wales Online порталининг хабар қилишича, "Манчестер Юнайтед" жамоасининг собиқ афсонаси ва ҳозирда клуб бош мураббийи ёрдамчиси лавозимида фаолият юритаётган Райан Гигз ҳамма "МЮ"нинг 90-йиллардаги юлдузлари Пол Скоулз, Ники Батт, Гарри ва Фил Невиллар Манчестер шаҳрида футбол меҳмонхонасини очишди.




Мазкур меҳмонхона 122 хонадан иборат бўлиб, клуб стадиони "Олд Траффорд"га жуда яқин жойлашган. Меҳмонхонанинг очилиш маросимига 800 нафар клуб мухлислари таклиф қилинган. Манбанинг таъкидлашича, меҳмонхонани барпо қилиш учун "МЮ"нинг 90-йиллардаги юлдузлари 24 миллион фунт стерлинг сарфлашган.

Ушбу меҳмонхонанинг афзалликлари шундаки, "қизил ибليسлар"нинг ўйин кунини меҳмонхонадан жой олиши атиги 1 фунт бўлади. Жамғарилган барча маблағ эса хайрия ишларига сарфланади.

## Хиллари Клинтон сайловда қатнашади

АҚШ давлат котиби Хиллари Клинтон 2016 йилнинг апрель ойда бўлиб ўтадиган президент сайловида иштирок этишини расман маълум қилади. Маълумотларга кўра, Х.Клинтон Демократлар партиясидаги ҳомийларини сайловдаги ўз иштироки ҳақида қутилганидан ҳам аввалроқ огоҳлантирди.



Қайд қилинишича, у ўз сайлов кампанияси учун 1 млрд. доллар ажратилишини сўрайди. Шунингдек, Х.Клинтонда ёз ойигача ўз қарорини ўзгартириш имконияти мавжуд.

Бу борада АҚШнинг амалдаги президенти Барак Обама Хиллари Клинтондан "яхши президент чиқиши" ҳақида фикр билдирган эди.

## Болакай ўзини отиб қўйди

АҚШнинг Хьюстон шаҳрида тўрт яшар бола энагасининг уйидан топиб олган тўппонча билан ўзини отиб қўйди ва ҳалок бўлиб, дея хабар бермоқда хорж матбуоти.

Ҳуқуқни муҳофаза қилиш муассасалари ходимларининг хабар беришича, боланинг онаси тугилган кунини нишонлаётгани сабабли уни яқин дугонасиникига бир кунга ташлаб кетган. Бола топиб олган тўппонча кимга тегишли бўлгани ҳозирча номаълумлигича қолмоқда. Ҳозирча бу воқеа юзасидан ҳеч кимга айблов қўйилмаган.

Бу воқеа Хьюстонда охири кунларда рўй берган иккинчи ҳолат бўлди. Ўтган жума кунини уч ёшли боланинг онаси сумкасини очиб ҳолда қолдирганча, бошқа хонага бир неча дақиқага чиқиб кетган пайтда бола сумка ичиданги тўппончани олиб, ўзини отиб қўйган.

Шунингдек, январь ойда АҚШнинг Тарпон-Спринг шаҳрида икки ёшли бола ота-онасининг автомобилдан ичидан топиб олган тўппончадан ўз кўкрагига ўқ узиши оқибатида ҳалок бўлган. Ундан бир неча кун олдин эса Канзас-Сити шаҳрида яна бир бола уйдан топиб олган тўппончадан 9 ойлик укасини отиб қўйган.





AFC  
CHAMPIONS  
LEAGUE

# Химоядаги хатолар панд бермоқда

Осиё чемпионлар лигасининг 1-турида мамлакатимизнинг тўртта клуби умумий ҳисобда 7 очко жамғарган бўлса, 2-тур ўйинлари жамоаларимиз учун бироз омадсиз бошланди.



3 март санасида юртимизнинг энг кўрак стадионида "қалдирғочлар" Эроннинг "Персеполис" клубига қарши майдонга чиқди. Аввалги тур баҳсларида юртимизга меҳмон бўлган форс жамоалари ортларига қурак қўл билан қайтишди. "Пахтакор" ва "Насаф" клублари Эрон чемпионлигининг етакчи жамоалари — "Нафт" ҳамда "Тракторсози" клубларини бир хил (2:1) ҳисобда мағлуб этишни урда-лашганди. Айни дамда ўз чемпионатида омади келмаётган "Персеполис" жамоаси эса Тошкентдан ур очко билан қайтадиган бўлди.

Учрашув майдон эгаларининг ҳужумкорлиги билан бошланди. Аммо ҳужумларни гол билан якунлашда Сергей Лущан шогирдларига аниқлик етишмади. Аввалги иккита ўйинда стандарт вазиятлардан унумли фойдалана олган "Бунёдкор" клуби вакиллари бу га шундай имкониятларни кўкка совиришди. Майдон эгаларининг жарима ва бурчак зарбаларини рақиблар қийинчиликсиз бартараф этишни урда-лашди. Учрашувдаги дастлабки гол урилишига яқин бўлган зарба меҳмонлар футболчиси томонидан ижро этилди. Уйнинг 15-дақиқаларида Фарнед Габриел олис масофадан жуда хавфли зарба ўйлади. Орадан беш дақиқа ўтиб эса "Бунёдкор" дарвозаси томон 11 метрлик жарима зарбаси белгиланди. Артём Филиппосан ўз жарима майдон-чуси ичида меҳмон жамоа ҳужумчисига қарши бироз

эҳтиётсизлик билан ҳаракат қилиб, пенальти белгиланишига сабабчи бўлди ва ҳисоб очилди. Ҳақиқатда ҳимоячиларнинг бироз сусткаштлиги ўйин тақдирини ҳал қилди. Ўз дарвозасидан гол ўтказиб юборган майдон эгалари биринчи бўлимнинг ўзида ҳисобни тенглаштириш ҳаракатига тушиб қолишди. Уйнинг 31-дақиқасида "қалдирғочлар" томонидан чинакамига хавфли ҳужум уюштирилди. Бирок ҳал қилувчи зарбани берган Элдор Шомуродовга бироз аниқлик етишмади.

Ўз майдонида мағлуб бўлишни истаманган "Бунёдкор" клуби аъзолари иккинчи бўлимни шиддатли ҳаракатлар билан бошлашди. Аммо рақиблар химояда тартибли ўйин намойиш қилиб, майдон эгаларининг гол уришига бўлган барча ҳаракатларини чеклаб қўйишди. Учрашувнинг 53-дақиқасида майдонга тушган Воҳид Шодиев кутқарувчи вазифасини бажариши мумкин эди. У ўйинга қўшилиши ҳамоноқ бурчакдан етакчи берилган тўпни боши билан рақиб дарвозаси томон йўналтирди. Шу куни жуда яхши ўйин намойиш қилган рақиб дарвозабони кўллари қолиб, боши билан тўпни қайтариб юборди.

Захирадан ўйинга қўшилган Сато Минори ва Забиҳилло Ўринбоевлар айтарли даражада ўйинни кучайтириб юбормаган бўлсалар-да, вазиятни жамоалари томон ўзгартиришга ҳаракат қилишди. Учрашувнинг 89-дақиқасида Артём Фи-

липосян мухлисларни ҳаяжонга солди. Аммо унинг узоқ масофадан берган кучли зарбаси бироз ноаниқ кетди. Шундай қилиб, "Бунёдкор" клуби ўз майдонида рақибга имкониятни бой бериб, "Персеполис" клубини гуруҳда яқна пешқадам бўлишига имконият яратди.

Мазкур гуруҳдаги иккинчи ўйинда дуран қайд этилиб, "қалдирғочлар" учун гуруҳдан чиқши йўлидаги ишлар бироз яхшиланди.

"А" гуруҳи		
№	Жамоа	Ў О
1	Персеполис	2 6
2	Ан-Наср	2 2
3	Бунёдкор	2 1
4	Лахвия	2 1

ОЧЛ, "А" гуруҳи, 2-тур "Бунёдкор" — "Персеполис" 0:1

Шу куни Саудия Арабистонидан "Аш-Шабоб" клубига қарши баҳс олиб борган пойтахтимизнинг иккинчи жамоаси 2:2 ҳисобидаги дурангни қайд этди.

"Пахтакор" клуби футболчилари бир-бирига ўхшамаган иккита бўлим ўтказишди. Биринчи бўлимда вакилларимизнинг ўйини қовушмагани етмагандек, химояда кўпол хатоларга йўл қўйишди. Биргина "Аш-Шабоб" клубининг бразилиялик ўзаси Рафиньянинг ўзи химоячиларимизни бутун бўлим домида қийин аҳволга солиб қўйди. Клубимиз бахтига жамоамиз посбони бир қатор зарбаларни қайтаришни урда-лашди. Бир вазиятда эса тўп икки марта "шерлар" дарвозаси устунига тешди. Айтиш мумкин, ўша вазиятда омад Самвел Бабаян шогирдлари кутқариб қолди.

Меҳмонларнинг кетма-

кет уюштираётган ҳужумлари охир-оқибат ўз самарасини берди. Жон Антви жарима майдончаси ичида деярли дарвозабон билан бирга-бир вазиятда зарба берди. Жамоамиз посбони бир амаллаб тўпни қайтарди. Аммо Александр Мерзляковнинг зудлик билан тўпни майдон ташқарисига чиқариб юбориш ўрнига ўзида сақлаб олиши натижасида рақиб футболчиси етиб келиб, тўп йўлига ташланди ва ўйиндаги ҳисобни очди.

"Пахтакор" футболчилари иккинчи бўлимда бутунлай бошқача ўйин кўрсата бошлашди. Рақиб дарвозаси томон кетма-кет хавфли ҳужумлар уюштирилиши бесамар кетмади. Уйнинг 62-дақиқасида Жалолидин Машарипов чап қанотдан дарвозабон майдончасига тўп узатди. Ҳужумда ҳар бир вазият учун жон-жаҳд билан кураш олиб бораётган Игор Сергеев охир-оқибат мақсадига етишди. Игорнинг оёқ билан берган зарбаси бир қарашда муваффақиятсиз чик-

кандек кўринди. Аммо тўп қутилмаган йўналишда дарвозабоннинг устидан ошиб тушаётганида рақиб посбони тўпни қайтарди. Қайтан тўпни И.Сергеевнинг ўзи дарвоза тўрига жойлаб қўйди.

Ҳисобни тенглаштириб олган вакилларимиз голдан руҳланган ҳолда олдинга ташлана-нишди. Орадан кўп ўтмай, яна ўша тиниб-тинчимас Игор Сергеев жарима майдончасида рақиб ҳимоячиларини хато қилишга мажбур этди. Натижада меҳмонлар дарвозаси томон пенальти белгиланди. 11 метрлик жарима нуқтасига яқинлашган Кахи Махарадзе пенальтни аниқ амалга ошириб, жамоасини олдинга олиб чиқди.

Шундан сўнг меҳмонлар ҳам жонланиб қолишди. Аммо мағлубиятдан кутулиб қолишлари учун бизнинг футболчилар қаршии юборишди. Ҳавадан келаятган тўпни қайтаришда ноаниқ ҳаракат қилган Даврон Ҳошимовнинг хатосидан сўнг "Аш-Шабоб" футболчилари чиroyли ҳужум ташкил қилишди ва ҳисобни тенглаштиришди.

Орадан бир мuddат ўтиб, Даврон Ҳошимов яна бир бор худди шундай хатони такрорлади. Яхшиямки, рақиблар бу сафар унинг "туҳфа"сидан унумли фойдалана олишмади.

Ушбу дурандан сўнг "Пахтакор" клуби ўз очколари сонини 4 га тўзатди ва гуруҳ пешқадамлигини сақлаб қолди. Гуруҳдаги иккинчи ўйинда ҳам дуран қайд этилди.

## "В" гуруҳи

№	Жамоа	Ў О
1	Пахтакор	2 4
2	Аш-Шабоб	2 2
3	Ал-Айн	2 2
4	Нафт Техрон	2 1

ОЧЛ, "В" гуруҳи, 2-тур "Аш-Шабоб" — "Пахтакор" 2:2

Мақсудали ҚАМБАРОВ тайёрлади

## Реклама (эълон)лар

**"EFFECT REAL GROUP" масъулияти чекланган жамияти барча тадбиркорлик субъектларини, шу жумладан, кичик бизнес вакиллари ҳамда хусусий тадбиркорлар ва жисмоний шахсларни очик танлов савдоларига таклиф этади.**

Савдога Ўзбекистон Республикаси Вазирлар Маҳкамасининг 2011 йил 25 майдати "Тадбиркорлик фаолиятини амалга ошириш учун юридик ва жисмоний шахсларга танлов асосида ер участкалари беришни такомиллаштиришга доир қўшимча чора-тадбирлар тўғрисида" ги 147-сонли Қарори ва Фарғона шаҳар ҳокимининг 2015 йил 26 январь кунги 16-ф-сонли фармойиши ва Фарғона шаҳар ҳокимлигининг 2015 йил 25 февраль кунги 643-01-22-сонли хатига асосан тадбиркорлик фаолиятини амалга ошириш учун юридик ва жисмоний шахсларга қуйидаги ер участкаларининг доимий фойдаланиш ҳуқуқи қўйилмоқда.

Фарғона шаҳар, Юксалик (собиқ Кувасой) кўчасидаги "иссиқлик манбаи" худудидаги шаҳар ҳокимлиги захирасида бўлган ер майдонига "Темир-бетон. Металлочерепица ва шпаклёвка" қурилиш материаллари маъсулларини ишлаб чиқариш цехи қуриш учун 1,0 га. ер участкасининг минимал қиймати 974 390 сўм.

Талабдорлардан буюртманомаларни қабул қилиш билдиришомна матбуотда эълон қилинган кундан бошланади ва 2015 йил 31 март кунга соат 17:00да тўхтатилади.

**"Effect Real Group" МЧЖ томонидан ташкиллаштирилган Ўзбекистон Республикаси Вазирлар Маҳкамасининг 2011 йил 25 майдати "Тадбиркорлик фаолиятини амалга ошириш учун юридик ва жисмоний шахсларга танлов асосида ер участкалари беришни такомиллаштиришга доир қўшимча чора-тадбирлар тўғрисида" ги 147-сонли Қарори асосида ер участкаларига бўлган доимий фойдаланиш ҳуқуқларининг 2015 йил февраль ойида бўлиб ўтган тендер савдолари натижалари.**

Фарғона шаҳар Галлакон кўчасида икки қаватли 1-сонли "Нон ишлаб чиқариш цехи" қуриш учун 216,0,0 кв.м. ер участкаси. Ер участкасининг минимал баҳоси 205422 сўм. Сотилиш баҳоси 2 000 000 сўм. Фарғона шаҳар Галлакон кўчасида икки қаватли 2-сонли "Нон ишлаб чиқариш цехи" қуриш учун 216,0,0 кв.м. ер участкаси. Ер участкасининг минимал баҳоси 205 422 сўм. Сотилиш баҳоси 2 000 000 сўм. Фарғона шаҳар Саккокий кўчаси "Аквалар" худудига "Минифутбол" майдончаси ва унинг таркибига ечинши ва қийинши хоналар қуриш учун 3500,0 кв.м. ер участкаси. Ер участкасининг минимал баҳоси 3691640,4 сўм. Сотилиш баҳоси 5 000 000 сўм. Фарғона шаҳар А.Қодирий кўчасида икки қаватли савдо дўкони ва миллий чойхона ҳамда парhez таомлар ошхонаси қуриш учун 1400,0 кв.м. ер участкаси. Ер участкасининг минимал баҳоси 1363922,0 сўм. Сотилиш баҳоси 15 000 000 сўм. Фарғона шаҳар Янгизамон кўчасида икки қаватли умумий овқатланиш, савдо ва машиқ хизмат кўрсатиш, шунингдек, гузаллик ўйи ҳамда турар жой қуриш учун 1600 кв.м. ер участкаси. Ер участкасининг минимал баҳоси 1 558 768 сўм. Сотилиш баҳоси 15 000 000 сўм.

Хизматлар лицензияланган

— жисмоний шахслар — паспорт нусхаси (якка тадбиркор сифатида фаолият юритаётган жисмоний шахсларнинг давлат рўйхатидан ўтказилганлиги тўғрисидаги гувоҳнома нусхаси), ваколатли вакил қатнашган тақдирда, шахсини тасдиқловчи ҳужжатнинг нусхаси, белгиланган тартибда расмийлаштирилган ишончнома;

— танлов ташкилотчисига закалат тўланганлиги тасдиқловчи тўлов ҳужжатидан нусха;

— танлов ҳужжатлари талабларига мувофиқ тузилиб, муҳрланган конвертларга жойлаштирилган икки нусхадаги танлов таклифлари.

Такдим этилган ҳужжатларнинг барча варақлари талабгорнинг имзоси, агар талабгор юридик шахс бўлса, унинг муҳри ва ваколатли шахсининг имзоси билан тасдиқланган бўлиши керак.

Танлов ҳужжатларини олиш учун савдо ташкилотчисининг маъзилы: Фарғона шаҳар Аҳмад Фарғоний кўчаси 43-уй 24-хона. Тел.: +99895 404-54-84. веб-сайт: www.effect.uz Лицензия 0094.

Хизматлар лицензияланган

## Ўтганларнинг охирати обод бўлсин

Самарқанд вилоят прокуратураси жамоаси вилоят прокурори Баҳодир Дехқоновга волидаи муҳтарамаси **Ойса ая ҚУРБОНОВА**нинг вафот этганлиги муносабати билан чуқур ҳамдардлик билдиради.

Наманган вилоят прокуратураси жамоаси вилоят прокуратураси бўлим бошлиғи Бобур Дехқоновга волидаи муҳтарамаси **Ойса ая ҚУРБОНОВА**нинг вафот этганлиги муносабати билан чуқур таъзия изҳор қилади.



## Табаррук ёш

38 йилдан ортиқроқ вақт мобайнида Қорақалпоғистон Республикасида эл-юрт тинчлиги ва осойишталигини таъминлаш, фуқароларнинг ҳуқуқ ва эркинликларини муҳофаза қилиш ҳамда ҳуқуқий-амалий тажрибасини ёш ходимларни тарбиялашга бахшида этиб, жамоатчилик эътиборига сазовор бўлган инсон, прокуратура фахрийси Жалгас Калилаев табаррук 90 ёшни қарши олмақда.

Иш фаолияти мобайнида Қораўзақ туман Ички ишлар бўлимида инспектор, Қорақалпоғистон Республикаси Ички ишлар вазирлигида тезкор ходим, Кегейли туман Ички ишлар бўлимининг бошлиғи, Мўйноқ туман прокуратурасининг терговчиси, Нукус шаҳар прокурорининг ёрдамчиси, Қорақалпоғистон Республикаси прокурорининг ёрдамчиси ва катта ёрдамчиси лавозимларида самарали хизмат қилиб, шарафли меҳнат йўлини босиб ўтди.

У ишлаш даврида ижобий фаолият кўрсатиб, меҳнатсеварлик, изланувчанлик, адолатпарварлик, ташаббускорлик каби фазилатлари туфайли барчанинг ҳурмат-эътиборини, ишончини қозониб келди. Камтарлиғи, фидойилиғи, хизмат бурчиға содиқлиғи билан ҳамкасблари ҳурматиға сазовор бўлди.

Жалгас Калилаевнинг узоқ йиллик меҳнат фаолияти ҳуқуқимиз томонидан муносиб баҳолалиб, "Қорақалпоғистонда хизмат кўрсатган юрист" унвони ва қатор медаллар билан тақдирланди.

Ҳурматли Жалгас Калилаев, қутлуг 90 ёшингиз муборак бўлсин! Сизға ва оила аъзоларингизға мустақам соғлиқ, узоқ умр, оилавий тотувлик, хонадонингизға тинчлик-хотиржамлик, файзу барака тилаймиз!



## Қутлуг айём

Кўп йиллар мобайнида қонунийликни таъминлаш, фуқароларнинг осойишталигини ҳимоя қилишға ўзининг муносиб эҳссасини қўшиб келган инсонлардан бири прокуратура фахрийси Юрий Дмитриевич Архипов қутлуг 75 ёшни қарши олмақда.

У меҳнат фаолияти давомида Тошкент шаҳар ва туманлари прокуратураларида терговчи, катта терговчи ҳамда Республика Бош прокуратурасида алоҳида муҳим ишлар бўйича катта терговчи лавозимларида самарали хизмат қилиб, шарафли меҳнат йўлини босиб ўтди.

Юрий Дмитриевич ўз меҳнатсеварлиғи, кўп йиллик амалий иш тажрибаси, теран билими, ёшлар ва шогирдларға бўлган гавҳўрлиғи билан ҳамкасбларининг эъзозига сазовор бўлди. У қаерда ва қайси лавозимда ишлашидан қатъи назар, камтарлиғи, фидойилиғи ва хизмат бурчига содиқлиғи билан ҳуқуқни муҳофаза қилувчи органлар ходимлари орасида ҳурмат қозонди.

Юрий Дмитриевичнинг узоқ йиллик меҳнат фаолияти прокуратура раҳбарияти томонидан муносиб баҳолалиб, "Ўзбекистон Республикаси прокуратурасининг фахрий ходими" кўкрак нишони билан мукофотланди ва бир неча мартаба рағбатлантирилди.

Ҳурматли Юрий Дмитриевич, қутлуг айёмингиз муборак бўлсин! Сизға сиҳат-саломатлик, узоқ умр, хонадонингизға тинчлик-хотиржамлик, файзу барака тилаймиз!

Ўзбекистон Республикаси Бош прокуратураси жамоаси ва Фахрийларни ижтимоий қўллаб-қувватлаш жамоатчилик Маркази

## Фахрийлар билан учрашув

Прокуратура органларида хизмат қилаётган ёш мутахассисларнинг касб маҳорати ва малакасини ошириш, уларнинг ўз ишини мукамал ўрганиб, етук мутахассис сифатида шаклланишиға, ўзига юклатилган вазифаларни виждонан адо этишиға эришиш мақсадидан прокуратура органларида узоқ йиллар меҳнат қилган прокуратура фахрийлари билан Ўзбекистон Республикаси Бош прокуратурасининг Олий ўқув курсларида таҳсил олаётган тингловчилар ҳамда жойлардаги ёш мутахассисларнинг учрашувлари ва давра сўхбатлари ўтказиб келинмоқда. Шундай учрашувлардан бири Республика Бош прокуратураси ҳузуридаги СВОЖДАҚК департаментининг мажлислар залида бўлиб ўтди.

"Ижтимоий химояға доир қонунлар ижроси устидан прокурор назорати самарадорлигини ошириш масалалари" мавзусида Олий ўқув курслари тингловчилари — янгиларнинг таъинланган туман, шаҳар ва уларға тенглаштирилган прокурорлар ҳамда "Иқтисодиёт соҳасиға оид жиноятларға қарши курашишни доллар масалалари" мавзусида СВОЖДАҚК департаментининг туман (шаҳар) бўлимининг бошлиқлари билан Ўзбекистон прокуратура органлари фахрийларининг учрашуви бўлди. Тадбирға прокуратура фахрийси, иккинчи жаҳон уруши қатнашчиси Александр Красиков ташриф бурди. Тадбирни Олий ўқув курслари катта ўқитувчиси Бахтиёр Пулатов кириш сўзи билан очди.

Учрашувда Фахрийларни ижтимоий қўллаб-қувватлаш жамоатчилиги Маркази раиси Ботир Калонов сўзға чиқиб, Марказининг иш фаолияти, ташкил этилганидан хозирги кунға қадар олиб борилаётган ишлари, прокуратура раҳбариятининг кўрсатаётган эътибори, фахрийларнинг ижтимоий муҳофазаси, байрамлар муносабати билан уларни табриклаш, ўтказилаётган тадбирларға тақдир қилиш, уларнинг юбилейлариға бориб, Бош прокурор табриқларининг топширилиши қабилида алоҳида тўхталиб ўтди. Шунингдек, Ботир Калонов тингловчиларға тадбир механизми, фахрий прокурор Александр Красиковнинг ҳаёт

йўли ҳақида гапириб берди. Александр Красиков 1926 йил 14 августда Россиянинг Оренбург вилоятида туғилган. 1931 йилда Красиковлар oilаси Янгийўл шаҳриға кўчиб келади. Уруш бошланиб, отаси урушға кетганида у ҳали 15 ёшға ҳам тўлмаган эди.

Урта мактабнинг ўнинчи синфинда ўқибганида кўпчилик тенкурлари қатори унга ҳам чакирув қозониб келади ва 1944 йилнинг январидан ҳарбий хизматға олинади. Дастлаб Самарқандда, кейин Тошкентда радиотехника курсида таҳсил олган, 1944 йилнинг октябрида фронтға жўнаб кетади. У урушда алоқачи ва радист сифатида 1944 йилнинг декабридан 1945 йилнинг 9 майиға аштирок этади ва Европанинг бир қанча йирик шаҳарларини, жумладан, Варшавани озод қилишда қатнашади.

Уруш якунланиб, суронли жанглар ортда қолса-да кўчқувватға тўла, орзулари осмон Александр унун кураш ҳали якун топмаган эди. 1950 йилда соғлиғи туфайли ҳарбий хизматдан бўшатилган, кўкси тўла орден ва медаллар билан Ўзбекистонға қайтди.

1950 йилдан 1954 йилгача Тошкент Давлат университетининг (ҳозирги ЎЗМУ) юридик факультетида таҳсил олган Александр Красиковнинг кейинги ҳаёти прокуратура билан чамбарчас боғланди. Ўқини якунлаган йили у Кемерово вилояти прокуратурасиға ишға юборилди. 1971

йилда Ўзбекистонға қайтиб, Тошкент шаҳар прокуратурасида фаолиятини давом эттирди. 1972-1986 йиллар давомидан Ўзбекистон Бош прокурори ҳузурида алоҳида муҳим ишлар бўйича терговчи, Тошкент вилоят ва шаҳар прокуратураларида терговчи, Транспорт прокуратурасида алоҳида муҳим ишлар бўйича терговчи каби масъулиятли вазифаларда 34 йил ишлади.

1986 йилда 60 ёшға тўлган Александр Красиков пенсияға чиқса-да, касбига бўлган муҳаббат уни фаолиятини давом эттиришга ундади. У яна ҳамкасблари ва шогирдлари қаториға қайтиб, узоқ йиллар Бош прокуратура тизимида самарали меҳнат қилди. У прокуратура тизимида 50 йил хизмат қилди.

Александр Фёдоровичнинг қилган хизматлари ҳуқуқимиз ва прокуратура раҳбарияти томонидан муносиб баҳоланди. У мустақиллик йилларида "Жасорат" медалли, "1941-1945 йиллардаги урушда фашизм устидан қозонилган ғалабанинг 50 йиллиғи" юбилей медалли, "Ўзбекистон Республикаси Қуролли қучларига 20 йил" эсдалик нишони, "Ўзбекистон Республикаси прокуратурасининг фахрий ходими" кўкрак нишони билан тақдирланди.

Учрашув якунида Александр Красиков тингловчиларға маслаҳатлар бериб, уларнинг машаққатли меҳнатларида зафарлар тилади.

Ўз муҳбиримиз

РЕКЛАМА \* РЕКЛАМА \* РЕКЛАМА \* РЕКЛАМА \* РЕКЛАМА

## «Асака» банк — ишончли ҳамкор



Мамлакатимиз мустақилликка эришганидан сўнг биз тадбиркорларға иш фаолиятимизни йўлга қўйиш ва ривожлантириш учун катта имкониятлар яратилди. Мен мустақиллик йилларида тадбиркорлик фаолиятимни йўлга қўйдим ва катта муваффақиятларға эришдим. Тадбиркорликка эришган муваффақиятларимда, албатта, "Асака" давлат-акциядорлик тижорат банки жамоасининг ёрдамини таъкиллаб ўтиш жоиздир.

"Асака" банк республикамиздаги етакчи ва энг илғор банклардан бири саналади. Банк фаолияти доимо барқарор ривожланиб бормоқда. Банк фаолиятиға халқорой рейтинг агентликларини томонидан берилган юқори рейтинг баҳолари шундан далолат беради. Жумладан, жаҳоннинг етакчи ва нуфузли халқорой рейтинг агентликлари саналмиш "Moody's Investors Service" ва "Fitch Ratings" томонидан қаторасига бир неча йиллардан бери "Асака" банк фаолиятиға юқори рейтинг баҳолари берилмоқда, банк фаолияти "Барқарор" деб таъкидланмоқда. Бу эса мамлакатимиз ва хорижда "Асака" банкига бўлган ишончининг охири бораётганидандан, банк фаолиятининг барқарорлигидан далолат беради. "Асака" банкда миқозларға хизмат курсати тизор ва юқори даражада йўлга қўйилган. Биз ўзимизнинг молиявий масалаларимизни банк билан бирга тез муддатда ҳал қилишға ўрганганмиз.

Тошкент шаҳрида фаолият юритаётган корхона, фирмаларға, шу жумладан, шахримизда хизмат кўрсатаётган ташкилотларға лизинг хизматлари кўрсатишни янада яхшилаш мақсадидан мамлакатимизда ишлаб чиқарилаётган қурилиш материалларини етказиб берувчи автотранспорт воситалари сотиб олишни мақсад қилдик ва ниятимизни амалға ошириш учун "Асака" банк Шайхонтохур филиалиға мурожаат қилдик. Банк ходимлари бизнинг сўровимизни қисқа муддатларда қўриб чиқиб, имтиёзли шартларда ижобий ҳал қилиб бердилар. Банк кредитлари ҳисобига 20 донна мамлакатимизда ишлаб чиқарилган юк ташувчи ва қурилиш материалларини етказиб берувчи автотранспорт воситаларини сотиб олдик.

Шуни алоҳида таъкиллаб ўтиш жоизки, юртимизда ишлаб чиқарилаётган, жаҳон бозорларида рақобатбардор бўлган автотранспорт воситаларидан мамлакатимизда олиб борилаётган бунёдкорлик ишларида кенг фойдаланилмоқда, халқимиз фаровонлиғи учун хизмат қилмоқда. Ҳозирда ушбу автотранспорт воситалари Тошкент шаҳрида қурилаётган бино-иншоотларға ва аҳолиға қурилиш материалларини етказиб бериш учун тезкор ва сифатли хизматлар кўрсатмоқда. Ушбу лойиҳанинг амалға оширилиши натижасида 35 та янги иш ўрни яратилиб, 10 нафар касб-хўнар коллежлари битирувчилари ҳам ишға қабул қилинди. Утан йили 2 млрд. сўмға яқин миқдорда хизматлар кўрсатдик. Бу йилги режаларимиз бундан-да юксак. Буни амалға оширишимизда "Асака" банк жамоаси бизни қўллаб-қувватлашға ишонамиз.

Биз "Асака" банк жамоасиға ўз миннатдорлигимизни билдириб, уларға жорий "Кексаларни эъзозлаш йили" да юртимиз равнақи ва халқимиз фаровонлигини ошириш борасида олиб бораётган ишларида улкан муваффақиятлар тилаймиз.

**Шавкат ЗАЙТОВ, "BUILD TECH LEASING" МЧД директори**  
Хизматлар лицензияланган

## Нуқуқ

юрidik gazeta

**Muassis:**  
O'zbekiston Respublikasi Bosh prokuraturasi

**Bosh muharrir:**  
Jahongir Jur'atovich MAKSUMOV

**Tahrir hay'ati:**  
Hakimboy HALIMOV Baxtiyor NAZAROV  
Muxtor ZOIROV (Bosh muharrir o'rinbosari)  
Gulnoza RAHIMOVA Kamoliddin ASQAROV  
(mas'ul kotib)

**Tahririyat manzili:**

Toshkent shahri, Yahyo G'ulomov ko'chasi, 66-uy.

Telefon: 233-98-40,

Faks: 233-10-53,

233-64-85

E-mail: huquq@huquq-gazeta.uz

Gazeta haftaning payshanba kuni chiqadi. Sotuvda kelishilgan narxda

Tahririyatga kelgan qo'lyozmalar taqdir qilinmaydi va egalariغا qaytarilmaydi. Muallif fikri tahririyat nuqtai nazaridan farqlanishi mumkin.

«HUQUQ» materiallarini ko'chirib bosish faqat tahririyat ruxsati bilan amalga oshiriladi.

□ — tijorat materiali.

Reklama materiallarining mazmuni uchun tahririyat javobgar emas.

Nashr ko'rsatkichi 231

Buyurtma S-2305.48 197 nusxada bosildi. Gazeta tahririyat kompyuter bazasida terildi va sahilandi. «HUQUQ» original maketi.

Navbatchi muharrir: O'.DEHQONOV

Sahifalovchi: S.BABAJANOV

Navbatchi: O'.DEHQONOV

Bosmaxonaga topshirish vaqti: 22.00. Topshirildi: 20.00 1 2 3 4 5 6 7 8 9

Gazeta «O'zbekiston» nashriyot matbaa ijodiy uyida chop etildi. Korxonada nashr: Toshkent shahar, Alisher Navoiy ko'chasi, 30-uy.

Gazeta O'zbekiston Respublikasi matbuot va axborot agentligida 2009-yil 10-oktabrda 0188-raqam bilan ro'yxatga olingan.

ISSN 2010-7617

